

國醫公報

其易堂題



投稿簡約

本報選載除適用一般期刊投稿之通例以外，特訂簡約如左：

一、本報歡迎左列各文件：

甲、中醫學術建設及其具體改進之方案；

乙、中醫學術闡釋所需之各種圖表；

丙、中醫新著述評；

子、專著

丑、期刊

丁、各地中國醫藥執業界之生活狀況；

戊、富含新聞性及有關掌故之醫事照片。

二、體裁文言白話不拘。最好用文格紙，繕寫清楚

，自加標點，註明大概字數，及其通訊地址。

三、遇有左列情形之文字，恕不掲載：

甲、宣傳營業含有廣告性質者；

乙、破壞中醫學術者；

丙、攻訐私人者。

四、凡經掲載之文件，暫以本報致酬。

四、來稿請寄：「南京中央國醫館國醫公報編輯部

收」。勿寫私人名字。

國醫公報第四卷第一期目錄

一 攝影

如皋國醫藥界歡迎中央國醫館焦館長大會攝影
歡迎焦院長兼中央國醫館館長蒞澳攝影

二 中央國醫館館令

委派令

- 委任張鍾毓為本館推行處主任文.....
- 派王錫如為山東省國醫分館館長文.....
- 派冉雪峯為湖北國醫分館副館長文.....
- 派伍潮海為本館駐星加坡視察員文.....
- 派方引之等十五人為淳安等縣國醫支館館長文.....
- 派聞甫宸為鄭縣國醫支館副館長文.....

指令



令浙江省國醫分館據呈請加委方引之等十五人為淳安等縣國醫支館館長應予照

准文.....

國醫公報 目錄



12
573.05
926.5
2



令甘肅省國醫支館據呈設立十二重要縣份支館應予照准文……………三

令湖北省國醫分館據呈湖北國醫救護班呈送籌委會章程准予備案文……………四

令四川省國醫分館據呈請設立國醫學院應予存查文……………六

令江蘇省國醫分館據呈報鎮江醫學公會改選職員准予備案文……………一〇

令貴州省國醫分館據呈報成立准予備案文……………一一

令綏遠省國醫分館據呈報設立施診所准予存查文……………一一

批

批溧水中醫公會據呈請咨行各省政府轉飭各縣縣立醫院加入中醫科已悉文……………一二

批仙遊中醫公會據呈送施診所表冊准予存查文……………一三

批龍南國醫公會據呈報成立准予備案文……………一三

批北平中醫學社據呈報組織成立應予存查文……………一四

批北平中醫學社據呈報第一屆學生畢業文憑加本館印信文……………一六

批漢口華中新中醫專科學校董事會據呈報漢口高級研究所與湖北養成所合併改組為
華中新中醫專科學校應予照准文……………一七

批華中新中醫學校據呈報任事日期及開課各情准予存查文……………二〇

批武昌國醫講習所據呈報第二屆學生畢業准予存查文……………二〇

批廈門國醫研究所據呈報舉行畢業考試日期准予備案文	二一
批廈門國醫研究所據呈報學生畢業成績請將證書加蓋館印應予照准文	二一
批仙遊國醫專校據呈報學生畢業成績請將證書加蓋館印應予照准文	二二
批蘇州國醫學校呈送研究院鈐記模樣具報啓用及開學日期已悉文	二三
批北平藥學講習所英庚款會期已過俟明年再辦文	二三
批無錫縣錢企彭等呈請組織醫藥研究社准予存查文	二五

三 公牘

公函

公函軍事委員會兼禁煙總監爲抄送簡便戒煙單方以備採擇希查照文	二七
-------------------------------	----

聘函

聘請李克蕙先生爲本館編審委員文	二八
聘請丁福保先生爲本館編審委員文	二八

四 選載

改進中醫藥之建議	丁少侯	一
爲中國醫藥之發明謹告立法委員	李克蕙	一九

診察之紀錄·····	張忍庵·····二二五
國醫防疫之研究·····	商復漢·····二二八
當歸·····	尙父·····四九
醫國卮言·····	陳无咎·····五二

五 附錄

焦館長蒞如視察國醫藥界·····	陳愛棠·····五五
王應榆發表國醫談話·····	黃恪勤·····五七

在中央地方自治計劃委員會專門委員會開會。委員陳念中先生傳予單方

四則。一則治背癢；一則治人中瘡；二則預防腦出血症。轉錄如次：

一、背癢 a. 未穿者，用牛舌頭草，搗碎，敷患處；

b. 穿後，用白胡椒粉，塞癢口內，五日愈。

二、人中瘡以糞蛆剖開，敷患處。

三、桑芽，杭菊花，泡茶。治高血壓。

四、小澹菜，海帶菜，煮湯飲，治血管硬。

又委員周叔禹先生傳予治百日咳方，用慈孝竹，建蘭葉兩物，水煮服，

甚効云。

——張忍庵——

如皋 國醫 藥界 歡迎 中央 國醫 館集 館長 大會

廿五年
十二月
一日
攝影



澳門商會

駐書

澳蒞長館館警國央中兼長院堂易無迎款

張洋眼

民廿五年十月廿九日攝影紀念



命令

委派令

委任張鍾毓爲本館推行處主任文二十五年十月十六日

茲委任張鍾毓爲本館推行處主任此令

派王錫如爲山東省國醫分館館長文二十五年十月十三日

茲委派王錫如爲山東省國醫分館館長此令

派冉雪峯爲湖北省國醫分館副館長文二十五年十月九日

茲派冉雪峯爲湖北省國醫分館副館長此令

派伍潮海爲本館駐星加坡視察員文二十五年八月二十六日

茲派伍潮海爲本館駐星加坡視察員此令

派方引之等十五人爲淳安等縣國醫支館館長文二十五年十月六日

茲派方引之爲淳安縣國醫支館館長此令

茲派汪之良爲海寧縣國醫支館館長此令

茲派高松森爲餘杭縣國醫支館館長此令

茲派金月龍爲安吉縣國醫支館館長此令

茲派王國芳爲新昌縣國醫支館館長此令

茲派趙啓堂爲諸暨縣國醫支館館長此令

茲派王作孚爲臨海縣國醫支館館長此令

茲派盛世英爲湯溪縣國醫支館館長此令

茲派張心景爲義烏縣國醫支館館長此令

茲派瓊耀華爲常山縣國醫支館館長此令

茲派章濟蒼爲桐廬縣國醫支館館長此令

茲派汪藻文爲建德縣國醫支館館長此令

茲派陳卜琴爲青田縣國醫支館館長此令

茲派張榮福爲武義縣國醫支館館長此令

茲派姚華青爲遂安縣國醫支館館長此令

派聞甫宸爲鄭縣國醫支館副館長文二十五年九月一日

茲派聞甫宸爲河南省鄭縣國醫支館副館長此令

指令

令浙江省國醫分館據呈請加委方引之等十五人爲淳安等縣國醫支館館長應予照准文二

十五年十月十六日

呈悉據呈請加委淳安等縣國醫支館館長一節應予照准委令附發仰即分別轉交此令

計發委令十五件

附原呈

案據淳安等十五縣國醫支館籌備處呈稱各縣支館業經籌備就緒請委方引之爲淳安縣支館館長汪之良爲海寧縣支館館長高松森爲餘杭縣支館館長金月龍爲安吉縣支館館長王國芳爲新昌縣支館館長趙啓堂爲諸暨縣支館館長王作孚爲臨海縣支館館長盛世英爲湯溪縣支館館長張心景爲義烏縣支館館長張耀華爲常山縣支館館長章濟蒼爲桐廬縣支館館長汪藻文爲建德縣支館館長陳卜琴爲青田縣支館館長張榮福爲武義縣支館館長姚華青爲遂安縣支館館長請轉呈加委以便成立支館等情據此當經職館派員分別前往視察籌備程序確已完竣理合備文呈請鈞長准予加委實爲公便謹呈

令甘肅省國醫支館據呈設立十二重要縣份支館應予照准文二十五年八月二十六日

呈悉據陳該省情形特殊擬定平涼等十二重要縣份設立支館懇祈准予立案一節姑予照准仍將各該支館派員籌備情形分別具報察核仰即知照此令

附原呈

爲本省情形特殊仍懇准在擬定之平涼等十二重要縣份設立支館以應社會需求而資逐漸推進

事竊本館前以各縣縣長及民衆之請求訂定各縣支館章程並擬定平涼等十二重要縣份先期設立國醫支館業經呈請核示在案二十五年七月二十六日奉鈞館二十五年七月十七日第四三六六號指令內開「呈件均悉查各縣市支館糾紛極多擬不再行添設所請設立各縣支館一節暫從緩議仰卽知照此令」等因奉此查本省人士對於國醫藥之重要已大半認識各縣縣長及民衆紛紛自動聲請設立支館與被動者迥異本省各縣國醫藥界亦未發現糾紛情形若因他省市縣之故阻止本省人士之自動意旨似與國醫藥前途之推進阻礙良多況依照修正醫藥改進會章程第一條各省市縣醫藥改進會名稱上冠一某某分館或支館則欲舉辦各縣市醫藥改進會須先成立支館綜上理由仰懇鈞館俯念本省情形特殊將擬定設立支館之平涼等十二縣准予逾格設立以應社會之需求實爲公便謹呈

令湖北省國醫分館據呈湖北國醫救護班呈送籌委會章程准予備案文廿五年八月二十日

呈件均悉准予備案此令附件存

附原呈組織大綱及簡單

案據湖北國醫救護訓練班主任冉雪峯本年八月六日呈稱「呈爲呈送湖北國醫救護訓練班籌委會名單暨本班簡章與組織大綱鈐記印模式樣啓用鈐記日期請鑒核分別存轉備案指令祇遵事竊國難日亟強鄰侵略無已設一旦戰事發生國醫天職所在自應於平日研究救護之學始能於戰時負救護之責此本醫藥同人良心上之主張幸蒙鈞館本年七月十一日召集第十一次館務會

議議決先成立籌備會負責進行復經同月十五二十三兩日召開兩次籌備會議公推雪峯爲本班主任負責辦理訓練事宜自當遵照各次決議積極進行茲抄錄籌委會名單簡章組織大綱各二份並自刊木質鈐記一顆文曰「湖北國醫救護訓練班之鈐記」印模式樣二紙於本月六日開始啓用所有籌設湖北國醫救護訓練班各情由理合備文檢同籌委會名單暨本班簡單組織大綱印模式樣各二份一併呈請鈞館鑒核分別存轉備案指令祇遵實爲公便」各等情據此理合備文連同附件呈請鈞館鑒核備案指令祇遵以便轉飭知照實爲公便再查武漢西醫業於本年七月初間組成救護隊將所有西醫公會會員均分派工作國醫救護訓練班之設立其動機蓋亦有所本合併陳明謹呈

湖北國醫救護訓練班組織大綱

- 第一條 本班設主任一人由籌備會公推教員四人總務文牘會計庶務各一人由主任聘任書記一人由主任僱用
- 第二條 主任總理本班一切事宜教員担任各科教授總務對主任負一切處理事務之責文牘辦理文書事項會計司賬款收付庶務司一切雜務書記辦理公文繕印講義各應受總務之指揮
- 第三條 主任總務文牘會計庶務均義務職教員每人月送伏馬費六十元書記月給薪水洋叁十元
- 第四條 本大綱經籌備會常務會議決呈報湖北國醫分館備案施行
- 第五條 本大綱如有未盡事宜得由主任提交常會修改之並續報湖北國醫分館備案

湖北國醫救護訓練班簡章

- 一名 稱 本班由湖北國醫分館秉承中央國醫館聯合武漢國醫藥同人組織之定名曰湖北國醫救護訓練班

國醫公報 命令

六

- 二 宗旨 本班以養成戰地救護工作人材共赴國難為宗旨
- 三 班址 暫借漢口洪益巷培心小學內為班址
- 四 經費 由武漢醫藥團體樂捐不收學費不向外界募集
- 五 教員 聘請中西醫學術經驗宏富者分門担任之
- 六 學科 (一)創傷(二)藥物(三)看護(四)繃帶(五)担架(六)救急(七)消毒防毒(八)紅十字會條約(九)軍醫戰時服務規則
- 七 入學資格 (甲)醫業會員經政府檢定合格須有開業執照者(乙)藥業會員由國藥行號選送富有製造國藥能力者(丙)國醫學校畢業得有證書者
- 八 學員年齡 二十歲至四十五歲為限
- 九 學員名額 暫開一班定額六十名
- 十 授課時間 每晚授課三小時自下午七時起至十時止
- 十一 訓練期限 訓練三個月滿期給予證書
- 十二 報名日期 自國歷八月 日起至八月 日止
- 十三 報名地址 漢口民生路義成里三號湖北國醫分館
- 十四 報名手續 (一)最近二寸半身相片二張(二)填寫志願書履歷住址及保證書
- 十五 實習 授課期滿後得由教員帶同志願深造之學員選定相當醫院實習之
- 十六 義務 本班學員均有開赴戰地救護及後方醫院治療之義務
- 十七 本簡章由湖北國醫分館呈准中央國醫館核定施行

令四川省國醫分館據呈請設立國醫學院應予存查文二十五年十月十三日

呈件均悉准予存查此令附件存

附原呈及章程

呈爲遵令辦理呈請備案事查本館前以國醫學院照章改組董事會並擬具會章仰祈鑒核備案等情呈奉鈞館第四二八四號指令開「呈件均悉准予存查此令附件存等因奉此遵卽召開全體董事會議選舉正副院長結果選得曾舜秦爲正院長賴華鋒爲副院長當經本館加委於本年七月二日宣誓就職視事擬具簡章並自刊鈐記一顆文曰四川省國醫分館國醫學院之鈐記卽日啓用除積極計劃開辦外理合備文將成立該院經過情形連同鈐模及簡章呈報鈞館察核備案伏乞指令祇遵謹呈

中央國醫館四川省分館國醫學院簡章

第一章 總綱

第一條 本院依據中央國醫館各省市國醫分館組織大綱第六條之規定由省分館提倡呈准

中央國醫館備案定名爲中央國醫館四川省分館國醫學院

第二條 本院遵照中央國醫科目教授國醫學術造就國醫通材以供社會需要而利民生爲宗旨

第二章 學制

第三條 本院應時勢需要定爲速成科與普通科於必要時再添設本科其規則另定之

第四條 速成科二年畢業普通科三年畢業均於畢業之年按時分派本院治療所輪流實習

第三章 學程

第五條 本院按照中央醫學程序以國有醫學爲統系之教授其課目如次 生理學 衛生學 解剖學 診斷學 病理學 治療學 處方學 證治學 藥物學 婦科學 兒科學 外科學 針灸學 醫學史 國文關於各種科目先後之分配臨時酌定之

第四章 學則

一、入學

第六條 速成科入學資格須在中醫學校修業一年以上或素習醫業于醫學確有根底者

第七條 普通科入學資格須品端體健年齡在十八歲以上三十歲以下中學畢業或有中學同等之學力而於國學夙有根底者

第八條 本院每年暑假招生其名額及日期均登報公布之

第九條 凡應入學試驗者須具報名單及履歷畢業證書或證明書并附本人二寸半身照片一張繳試驗費一元證書或證明書及照片未經取錄者退還試驗費取錄與否概不退還

第十條 取錄各生應照定期到院填具入學志願書並邀同妥實保證具保證書

二、納費

第十一條 學生每學期應納各費規定如次

(一)學費 普通科 速成科 每學期十六元

(二)宿雜費每學期六元通學免繳

(三)講義及參考書籍費自備

(四)膳費 伙食由學生自組每期先繳二十元多退少補交由庶務保存隨時支用

第十二條 前項各費于入學時一律繳清方得編班上課

三、獎懲

第十三條 本院為獎勵學行優異之學生起見得於每學期末給予相當之褒獎或免除其下學期學費之一部或全部

第十四條 學生如有因疾病或不得已事故必須休學者應呈請院長核准休學期滿後欲續學時應於開學前十日呈明院長核准插入某班

第十五條 學生有違背本院規則之行為時院長酌量輕重施行左列之懲戒

(一)訓誡 (二)記過 (三)退學

第十六條 學生中途輟學或因故由本院令其退學者已繳各費概不退還

四、成績考查

第十七條 本院各學科皆須舉行試驗考查成績其試驗分次列三種

(甲)臨時試驗 (乙)學期試驗 (丙)畢業試驗

第十八條 臨時試驗於每月終隨堂行之不及格者禁假補試

第十九條 學期試驗於每學期末停課行之不及格者留級兩學期不及格者退學

第二十條 畢業試驗修業期滿舉行其學科成績不及格者準其補習應下屆畢業試驗仍不及格者仍補習

第二十一條 學生在本院修業期滿試驗及格由本院給以畢業證書呈報中央國醫館備案得充國醫醫士

五、缺席及請假

第二十二條 學生因事不能上課者無論缺席鐘點多少須向訓育處請假

第二十三條 學生因事請假不能與學期試驗者須向教務處陳請定期補試

第二十四條 學生缺席時間逾授課時間三分之一者不得與學期試驗

第五章 附則

第二十五條 本簡章經本院董事會通過即生效力

第二十六條 本簡章如有未盡事宜得由董事會隨時修改之

令江蘇省國醫分館據呈報鎮江醫學公會改選職員准予備案文 二十五年十月十三日

呈件均悉准予備案此令表冊存

附原呈

呈爲呈報事案據鎮江醫學公會呈稱查本會於四月二十六日下午三時在城內本會大禮堂召開第三次籌備改選委員會同時改選執監委員當經呈奉黨政機關派員蒞場指導結果選出吳崇伯吳子周吳耀孫周沛霖張禹門陳甘棠葉楚材褚潤庭王蔭書張少南袁慎稱湯鏡泉王碩如袁禹庭陳達夫十五人當選爲執行委員王心圃何欣榮胡子庭錢實秋吳榮章五人當選爲候補執行委員褚雲波張雲甫朱溶之郭濟仁陸星軺霍趾呈徐友松七人當選爲監察委員沙秉生趙繩武張少甫張仲伊四人當選爲候補監察委員旋於二十八日下午三時開聯席會議當時互選吳子周吳崇伯周沛霖王碩如張禹門爲執行委員常務委員褚雲波爲監察常務擇日各執監宣誓就職除呈報本縣黨政機關鑒核備案並分函外理合具文檢同職員名冊二份職員經歷表二份設立程序及立案機關年月表二份隨文呈報伏乞鑒核備案並祈轉呈中央國醫館准予備案實爲公便等情附來職員名冊一份職員經歷表一份設立程序及立案機關年月表一份據此理合備文連同職員名冊職

員經歷表一份設立程序及立案機關年月表各一份一併呈報伏乞鑒核准予備案實爲公便謹呈

令貴州國醫分館據呈報成立准予備案文二十五年八月三十一日

呈件均悉准予備案此令附件存

附原呈

呈爲呈報成立國醫分館啓用關防并委任職員呈請查核備案事民國二十四年六月案奉鈞館委派梁少甫陳祝堯蕭朗先等十一人爲貴州國醫分館籌備員經該員等遵章籌備一切迭次呈報旋奉鈞館委派王澂瑩爲正館長牟貢三梁少甫爲副館長并發下關防式樣指令照刊啓用均各有案可稽邀免冗錄惟黔省地瘠民貧籌款維艱是以開辦稍遲現據籌備員等會同本地醫藥兩界人員組織大致完畢已於七月一日開始辦公并遵令刊就木質關防一顆文曰貴州省國醫分館之關防即日啓用照章遴委各處股主任祕書股員各職先令到館辦事後再擇日補行宣誓就職典禮除分呈委員長行營暨內政部本省政府本省黨部外理合將分館成立啓用關防日期暨委任職員各情備文呈請鈞館查核備案指令祇遵再分館章程已由籌備員擬就呈請鑒核在案合併呈明謹呈

令綏遠省國醫分館據呈報設立施診所准予存查文二十五年八月廿一日

呈件均悉准予存查此令附件存

附原呈

呈爲呈報事竊查職館前以本省會戶口蕃衍商賈輻輳居民素乏衛生常識每日病人爲數甚夥而

公立治療處所缺少供不應求以致多數貧苦民衆無資醫療呻吟牀榻情極可憫爰爲應付環境并普救貧民患病予以治療機會起見當經擬具預算書及簡章詳陳利害呈請綏遠省政府指撥專款以利進行在案旋奉省政府政字第二九五號指令內開「呈暨附件均悉茲經核定自本年七月分起准予每月撥給施診所經費洋一百元連同該館原有經費一百元共爲二百元一併另編二十五年度概算書三份逕送財政廳查核由省庫按月撥發當提本府第三七八次例會決議「行財政廳查照」等因除令財政廳查照外合將原送預算隨令發還仰即遵照辦理此令」等因附發預算書一份奉此復經依式編制二十五年度概算書呈奉省政府准予備案各在案茲查該施診所業於七月一日正式成立開始辦公到所就診人數日益增加平均每日三十餘人成績尙佳除將月報按月呈報外理合檢同預算書俸給表及簡章并分館及施診所成立大會紀念影片一併備文呈請鑒核備案施行謹呈

批

批 漂水中醫公會據呈請咨行各省政府轉飭各縣縣立醫院加入中醫科已悉文 二十五年九月

廿六日

呈悉此批

附原呈

竊查屬會第三次執監聯席會議討論事項第一項「爲我國人民對於西醫之診治病症未能完全信仰者較居多數現在各地疫癘蔓延無力求治者實屬繁多是否呈祈轉請政府通令各省市縣立

醫院加入中醫一科以資救濟」一案決議「由本會專案分別呈請轉咨省政府通飭各縣立醫院辦理」等語紀錄在卷除分呈江蘇省分館外理合錄案呈請鈞館鑒核迅予轉咨通飭辦理以資救濟實爲公德兩便謹呈

批仙遊中醫公會據呈送施診所表冊准予存查文二十五年十月廿三日

呈件均悉准予存查此批附件存

附原呈

竊查仙邑農民經濟拮据已極患病者多無力延醫屬會有鑒及此由大會議決聘請會員之富有經驗者廣設施診所藉謀救濟茲當舉辦伊始理合造具施診所表冊備文呈請察核准予備案實爲公便謹呈

批龍南國醫公會據呈報成立准予備案文二十五年九月二十日

呈件均悉准予備案此批附件存

附原呈

呈爲呈報成立龍南國醫公會附呈印模簡章履歷表仰祈鑒核准予備案事竊中醫學術原爲國粹固當團結同人發揚光大精益求精方能服務社會造福人羣况龍南僻處偏隅醫界既無團體學術又乏切磋長此以往殊不足以改進醫道保存國粹仕周等執行醫業歷有年所深感於是爰於本年八月間向龍南縣黨部領取許可證組織龍南國醫公會籌備處通知縣屬內外各科醫士依期登記

九月五日開全體會員大會依法成立國醫公會投票選舉當經選定鄧仕周謝若虛蕭從福賴成瑚廖瑞明五人爲執行委員沈匯川李翔翼魏子光三人爲候補執行委員賴翊庭蕭子元廖光煜三人爲監察委員葉雲清爲候補監察委員並分別互選鄧仕周蕭從福廖瑞明三人爲執行委員會常務委員組織常務委員會賴翊庭爲監察委員會常務委員即日敬謹宣誓就職分配工作并刊鈐記一夥文曰龍南國醫公會鈐記除呈報龍南縣黨部龍南縣政府江西省國醫分館外理合備文連同印模簡章履歷表各一份呈報鈞館俯賜察核准予備案實爲公便謹呈

批北平中醫學社據呈報組織成立應予存查文二十五年十月二十日

呈件均悉准予存查此批附件存

附原呈及章程

案查本年一月國民政府頒佈中醫條例舉凡熱心國學之士研究歧黃之術者無不互相慶幸益加精求蓋國醫昌明正世界醫學進化之效果中西醫士治病之方異術同功各有所本一則憑氣化而診查一則藉科學以發明二者不可偏重要皆有研討之價值耳介人等見及於斯曾於上年在北平市組織國醫學社一處聯合醫界同志公舉理事監事共同研究中醫學術發揚國學精粹以適合科學化爲宗旨編訂章程呈蒙北平市政府北平市黨部社會局及中央教育部先後批准備案在卷伏思鈞館爲全國醫界之總樞提倡指導端賴宏規研究學社諒蒙俞允理合抄錄原案附呈名冊簡章敬祈鑒核准予備案批示祇遵謹呈

北平市中醫學社章程

- 第一條 本社定名為北平市中醫學社
- 第二條 本社在聯合醫界同志共同研究整理中醫發揚精粹以適合科學化為宗旨
- 第三條 本社社址設于東城煤渣胡同馬家廟門牌五號
- 第四條 本社社員須有左列資格之一者為合格
 - (一)領有各省市行醫執照者
 - (二)對於醫學有相當研究而欲求深詣經本社社員二人以上之介紹者
- 第五條 本社社員有左列情事之一者不得為本社社員
 - (一)有違反三民主義之言論或行動者
 - (二)褻奪公權者
 - (三)患神經病者或有不良嗜好者
- 第六條 凡經本社認可之社員有選舉及被選舉權利並有發表醫藥心得改進社務意見及負襄助本社社費之義務
- 第七條 本社採理監事制由全體社員大會選舉之
- 第八條 本社設理事五人由內互推理事長一人為對外代表候補理事三人遇有理事缺出以之遞補監事三人監督一切社務候補監事二人遇有監事缺出以之遞補任期均為一年連選得連任
- 第九條 本社理事會分設總務學術二股各股股務由理事分任其辦事細則另定之
- 第十條 本社全體社員大會每半年舉行一次由理事會召集之遇必要時經全體社員二分之一同意得召集臨時大會理事會每月舉行一次遇必要時由理事長召集臨時會議

第十一條 本社經常費由理監事籌措其來源如下

(一)存款 本社有基金五百元存於四行儲會

(二)社費 社員每人月納社費三元

(三)捐款

第十二條 本社對於經費支出事項由理事會負責辦理並于大會時造具清冊由會複議之

第十三條 凡本社社員如有違背本社章程或敗壞本社名譽者經理監會決議後即停止其社員資格

第十四條 本社辦事細則另定之

第十五條 本章程如有未盡事宜得由理監事提議在大會通過後修改呈請主管機關備案

第十六條 本章程自呈奉主管機關核准之日施行

批北平中醫學社據呈報第一屆學生畢業文憑准加本館印信文二十五年十月二十日

呈件均悉據送第一屆畢業學生文憑請加蓋本館印信應予照准文憑附發此批附件存

計發文憑十六張

附原呈

爲呈請事竊查屬社第一年學生修業期滿所有各學科課程亦均教授完畢已於四月十日舉行第一屆畢業考試各科試卷業由各教員評閱記分各生操行成績亦經分別擬定均尙及格除另登記存社外所有該班畢業學生劉節初等履歷成績等件理合造表二份填就文憑十六張呈請鈞館察核准予備案並請將所呈文憑十六張加蓋鈞館印信發社以便分給藉資信守謹呈

附呈第一屆畢業學生文憑十六張履歷成績表一份

批漢口華中新中醫專校董事會據呈報漢口高級研究所與湖北養成所合併改組爲華中新

中醫專科學校應予存查文二十五年八月十九日

呈件均悉准予存查此令附件存

附原呈及董事會暫行簡章

呈爲呈報漢口國醫高級研究所與湖北國醫養成所合併改組校董會團結精神改辦私立華中新中醫專科學校以便擴充而資發揚仰祈鑒核備案事竊查漢口國醫高級研究所與湖北國醫養成所自匯東等先後呈奉鈞館三七一一四暨四一七三號指令核准開辦以來雖爲日無多然各項課程之進展及一切設施之擴充教職員之努力學生向學之踴躍種種已略具規模惟思中藥一門關係最大自西醫東漸中醫一蹶不振至今而不遽亡者實由中藥得外人信仰也現在政府提倡中醫公布條例各省本政府提倡之旨設學研究以圖存者比比皆是然于中藥一門均輕率漠視卽或畢業之後而于中藥不能改進則依然老大腐敗終無倖存之理此各省未覩存亡之實不急其急不謀其本者也且西醫知醫者必知藥醫藥聯貫中醫則知醫者多不知藥一任藥店腐舊之炮製而毫無識別更何改進之可言此中醫之所以自隋而啓外醫之侵也邇來各省雖設有醫藥改進會然不從學校中深加造就又何日可望改進之實現匯東等有鑒於此緣將二所合併就武昌平閱路國醫養成所原址改稱爲私立華中新中醫專科學校內分醫藥兩大組加聘醫藥兩科學理精深人材團結

精神而求教學之統一以收醫藥聯貫之效經于七月十五日開第一次校董會議決自本年秋季始業招生開學所有本會鈐記因開學在即謹照二所鈐記式樣刊刻木質鈐記一顆文曰私立華中新中醫專科學校校董會鈐記已於八月一日敬謹啓用除分呈湖北國醫分館備案外理合備文檢同簡章及校董略歷表各一份呈請鈞館鑒核備案謹呈

私立華中新中醫專科學校校董會暫行簡章

第一條 名稱 本會定名為華中新中醫專科學校校董會

第二條 宗旨 本會本中央國醫館用科學方法整理國醫學術之旨編纂有系統之精確教材創辦華中新中醫專科學校以發展我國醫藥教育而奠利國福民之基為宗旨

第三條 組織 本會遵照教育部私立學校校董會條例第三條之規定由創辦負責人共同組織之

第四條 校董名額本會校董名額暫定校董十三人公推五人為常務校董並于五人中公推一人為董事長其校董名額可增至三十人以上

第五條 名譽校董本會謀社會人民之健康凡各界名流對於本會有以學問贊襄或經濟補助者均得敦請為本會名譽校董但名譽校董無定額

第六條 職員遵照私立學校校董會條例第四條之規定應負之責任如左

(甲)關於學校財務之事項

一、經費之籌劃

二、預決算之編製及審核

二、經費之保管及監督

四、經濟之整理及支配

五、其他關於財務事項

(乙)關於學校行政之事項

一、學校教務事宜由校董會選任校長完全負責校董會不得直接參預

二、選任校長應具辦學之經驗得中央國醫館之認可者

三、校長失職時由校董會隨時改選之

(丙)關於開會及執行之事項

一、本會每屆例會及特別會由常務校董負責召集之

二、本會凡屬校董會議決案由常務校董執行之

第七條 義務 本會校董完全為義務職

第八條 教員 本會除校長及負責教職員得兼聘為本會校董外其餘教職員另由校長聘任之

第九條 職員 本會秘書會計庶務均酌給津貼其職責分述於左

(甲)秘書掌管文書繕擬稿件等事宜

(乙)會計承常務校董之指揮掌管本會出入賬項造冊等事項

(丙)庶務承常務校董之指揮專司本會庶務事項

第十條 會期 本會定每月開常務校董會兩次每年開校董大會兩次每兩年開改選常務一次遇有特別事故得由常務校董臨時召集之

第十一條 基金及保管 本會暫籌基金二萬元以作開辦學校之用俟學校成立後另設法籌募以圖發展其基金由創辦人及

熱心公益者捐助之另組保管委員會負責保管

第十二條 月報 本會定每月月報一次由學校將每月開支具報本會時與本會開支同時經常務校董考核然後公佈以昭大

公

第十三條 彙報 本會每屆學校學期終結時由常務校董將每月開支并經過情形向大會彙報以資考核而觀成績並分別呈

報中央國醫館及湖北國醫分館備案

第十四條 附則 本簡章如有未盡事宜得由常務校董大會議決呈請國醫館核准施行之

批據華中新中醫學校據呈報任事日期及開課各情准予存查文二十五年十月六日

呈件均悉准予存查此批附件存

附原呈

呈爲呈報任事日期暨正式開課各情仰祈鑒核備案事竊職校前以漢口國醫高級研究所與湖北國醫養成所合併擴充改稱華中新中醫專科學校一案經由職校校董會呈奉鈞館四六九四號指令准予存查在卷茲於八月二十四日經職校校董會第八次會議議決推選晴暉充任華中新中醫專科學校校長當於九月一日到校任事辦理秋季始業各事宜並加招新生一班連同兩所舊生以及插班各生共計分設三班計一上一班一下一班二上一班曾於本月十五日開學並呈奉湖北國醫分館暨湖北省黨部派員訓詞在案刻已於本月二十一日正式開課除另案造報學生名册外理合將校長任事日期暨開學上課各情形並繕具履歷備文呈請鈞館鑒核備案實爲公便謹呈

批武昌國醫講習所據呈報第二屆學生畢業准予存查文二十五年十月二十二日

呈件均悉准予存查此批附件存

附原呈

呈爲呈報屬所第二屆畢業學員姓名表仰祈鈞鑒事竊屬所前於二十四年七月辦理第一屆學員畢業後茲值第二屆學員修業期滿已於七月依法考試及格者發給畢業證書外合將學員姓名表呈鈞館備案以副鈞長提倡國醫之至意爲此謹呈

批廈門國醫研究所據呈報舉行畢業考試日期准予備案文二十五年九月一日

呈悉准予存查此批

附原呈

查本所創辦於民國二十三年二月經蒙鈞館照准備案竊本所章程原規定二年畢業應於今年春舉行第一屆畢業考試嗣經本所教務會議認爲須更增進研究員經驗以昭慎重故將畢業時期延長半年藉資實習茲各研究員業經分派實習完竣爰訂九月一日舉行畢業考試理合呈報鈞長察核懇予備查實爲公便謹呈

批廈門國醫研究所據呈報學生畢業成績請將證書加蓋館印應予照准文二十五年九月二十二日

呈件均悉據送研究員證書請加蓋關防一節應予照准證書隨令發還仰卽分別轉交此批表冊存

計發證書二十四張

國醫公報 命令

附原呈

查本所第一屆畢業考試訂期舉行業經具報在案茲經考試結果分別審核計及格者有陳鍾郭卓
葵葉延卿等二十四名尙餘楊子成等四十餘名未能及格應予留級再行補習俟後重行考核具報
茲謹將陳鍾等二十四名畢業名冊及成績表各一份隨文呈請鈞長察核備案並呈送畢業證書二
十四張懇請加蓋館印迅予發還以昭鄭重實爲公便謹呈

批仙遊國醫專校據呈報學生畢業成績請將證書加蓋館印應予照准文二十五年九月十九日

呈件均悉据送該校第一屆學生畢業證書請加蓋關防一節應予照准證書隨令發還仰卽轉交此批
附件存

計發還證書二十八張

附原呈

案查屬校于本年六月間呈報第一屆學生畢業考試日期請派員監試鈞館第四二四六號指令照
准在案旋奉福建省國醫分館第四百零一號指令開呈一件爲呈報畢業考試日期請派員監考附
學生名冊二份由奉令呈件均悉候令派仙遊國醫支館施啓謨前往監考仰知照此令等因奉此屆
時除請施支館員蒞校監試外復蒙縣政府派督學戴友梅縣黨部派幹事翁祖武蒞校監試應試科
目擇要分別考試現已考試完畢各科試卷均已評定分數總核完竣除李嘉枋等十人因事不得與
考外統計各生成績均尙及格應予畢業理合填具畢業成績分數表一份畢業試驗學科日期表一

份畢業證書二十八張考卷三百六十四本並第七學期各項表冊一份備文呈請鈞館鑒核備案並懇將證書蓋印發還以便給領實爲公便謹呈

批蘇州國醫學校呈送研究院鈐記模樣具報啓用及開學日期已悉文二十五年八月二十一日
呈件均悉此批附件存

附原呈

呈爲遵令刊就研究院鈐記具報啓用及開學日期懇請鑒核事竊屬校於七月一日奉鈞館第四五六四號批令內開呈件均悉據補送該院課程編製暨經濟預算等項尙無不合准予備案至鈐記如何刊製茲附發式樣仰卽自行刊用此批等因奉此遵卽刊就蘇州國醫學校設立國醫研究院鈐記一顆於八月二十三日啓用並定於八月二十八日開學除分報外理合備具鈐記印模呈請鈞館鑒核謹呈

計附蘇州國醫學校設立國醫研究院鈐記印模一紙

批北平藥學講習所英庚款會期已過俟明年再辦文二十五年八月十三日

呈件均悉英庚款會期已過俟明年再行酌辦可也此批附件存

附原呈及社會局通告衛生局訓令改進中醫辦法第八項

爲呈報事案查鈞館前致北平市政府第四一七五號公函內開各節業經北平市政府通飭所屬各局知照並由社會局訓令全市各同業公會暨各國藥商店一體遵照在案至衛生局方面已由震遠

接洽妥協由該局擬定改進中醫辦法方案將職所列於第八項呈請市政府轉呈冀察政務委員會核奪今已轉奉冀察政委會指令如擬辦理矣因該辦法中之第八項係因鈞館提倡國藥在北平設立職所訓練藥業人材辦法尙屬周妥故衛生局於本月二十五日特訓令北平市國產藥品業同業公會飭令勸導同業各商務各選送店夥輪流入職所受訓以期宏造藥學人才改進國藥事業並囑切實遵照辦理具報事關市民生命暨國藥業前途至鉅幸勿視爲具文等語足見其重視鈞館與愛護職所之至意是職所業已根基隱固自應趨向發展入手除擬向中英中法中俄暨市府請求補助外並預備改組國藥專科學校附設講習班是否有當伏候訓示祇遵謹呈

爲通告事案奉市政府甲字第二零七零號訓令內開案准中央國醫館第四一七五號公函開案查吾國醫藥學術始於神農昌於黃帝完成於三代兩漢數千年來經多數賢哲之心思才力纂述推衍蔚爲壽世壽人之大業而藥物之采訪遍於動植礦各界取精用宏尤爲超特是以德澤所被遍於東亞降至晚近歐美之科學一日千里醫藥亦與之俱進回顧吾國故步自封未免相形見拙目下有識之士懼醫學之淪亡精研舊籍吸集新書以備改良者頗不乏人而於藥學尙罕留意夫不辨藥性何以立方不能立方何以療病假使地道之不明配製之不講非但藥學失其真傳卽醫術亦將因此減其效用矧今日製造之器日新化驗之術已精科學非僅西藥可賴以發展此正吾人援據新理闡明古法之時機本館以藥界之提倡糾合同志講求藥物而創公開研究之新紀元因之特委雷震遠爲北平藥學講習所所長進行一切茲據該所所長先後呈報所址設於北平市崇文門外興隆街路北十

一號國藥公會內已於二月八日開學授課相應函請貴市政府查照並請通飭所屬各局一體知照等因准此除分令衛生局外合行令仰該局知照此令等因奉此值此提倡國醫國藥之際此項講習所之設立自屬需要除訓令本市各同業公會知照并分行外合仰各該藥業商店一體知照特此通告

案查前奉市政府令轉奉冀察政務委員會令飭擬具改進中醫應有辦法呈候核奪等因當經本局擬具改進中醫辦法八項呈請轉呈在案茲奉市政府甲字第二六二二號訓令轉奉冀察政務委員會七月十三日政字第二八四四號指令開一呈件均悉查該市關於改進中醫事項頗著相當成效仍仰轉飭所屬益求精進以臻完善爲要此令仰該局遵照等因奉此除遵辦外查改進中醫辦法第八項係屬整理藥業合行抄錄第八項全文令仰該公會切實遵照辦理具報事關市民生命暨國藥業前途至鉅幸勿視爲具文切切此令

附抄錄改進中醫辦法第八項整理藥業全文一件

按中西藥業與普通商業不同關係人民生命至鉅查中央公布之管理藥商規則第五條內開藥商所用店夥須熟諳藥性其營西藥業者並須以領有部證之藥師管理藥品但不零售麻醉及其他毒劇藥品之西藥商得以領有部照之藥劑生代之等語除本市業經設有藥學講習所訓練西藥藥劑生專供各西藥商店需用外其中藥業一項查中央國醫館爲提倡國藥起見在北平設立藥學講習所訓練藥業人才以期改進國藥事業辦法尙屬周妥已由衛生局責成國藥業同業公會勸導同業各商務各選送店夥輪流入所受訓以資改善而期進步

批無錫縣錢企彭等呈請組織醫藥研究社准予存查文二十五年九月五日

呈件均呈准予存查此批附件存

附原呈

呈爲組織醫藥研究社闡揚國學請求鑒核准予備案事竊思吾國醫藥迄自神農黃帝及今已具有四千餘年之悠久歷史矣其間名賢輩出關於國醫藥之發明疾病之治療功效著世筆難盡述夫吾國醫藥於國家民族之強弱原有密切之關係人之病也醫診之藥療之虛者益之弱者補之前賢所謂強國必先強種良有以也泊乎歐風東漸洋醫挾其科學萬能之口號而吾國維新之士亦惟以爲洋醫可以却疾一味崇拜有任其刀踞斧割至死不悟者對於國醫藥反謂不合科學化漠視異常殊堪慨嘆回憶民國十八年間中政會有廢中醫中藥之議洋醫有消滅中醫中藥之策當此時也吾國醫藥界正風雨飄搖亟亟乎有根本滅亡之概興言及此毛髮悚然幸賴中央諸公秉理力爭方得挽回國學於幾廢拯醫藥於瀕危此吾國醫藥界在忻慰之餘當深自惕勵者也今一二日鈞館管理中醫條例頒佈矣則吾國醫界既獲相當之地位復得中西平等之待遇此吾國醫藥界尤當鼓舞而慶祝者也第中醫條例雖經公佈國醫地位雖益趨鞏固倘不再努力改進而仍因循自誤其結果恐勢必漸歸淘汰而終至滅亡則吾國醫藥界之前途仍未許樂觀也同人等忝屬醫末有鑒于國醫藥之滅亡是懼爰集國醫藥界同人及社會愛好研究醫藥之人士組織國光醫藥研究社共同研究力圖改革拮其精華棄其糟粕務使吾國醫藥爲純一的科學化而冀吾國固有之國粹有發揚光大之一日也附呈草章兩份懇祈鑒核賜予備案鈞館醫界領導素以提倡國醫藥爲本旨同人等僻處窮鄉知聞淺陋若得在鈞館領導下而獲得相當成績與學識上之進步則更萬分欣幸者也不勝急切待命之至謹呈

公 牘

公函

公函軍事委員會兼禁烟總監爲抄送簡便戒烟單方以備採擇希查照文二十五年十月二十七日

逕啓者准貴會公函開全國烟民登記業已次第辦理完竣逐漸施戒年來各地藥商製售戒烟丸藥雖多究其實際非屬合毒質替代過癮卽屬毫無效力囑爲指定名家研究良方卽予詳復以便配製等由准此當經指派本館各編審委員研究去後茲據檢送無毒質而有效之簡便戒烟單方數則前來除俟續有良方再行函送外相應連同簡便戒烟方五則函復查照此致
國民政府軍事委員會委員長兼禁烟總監

計附簡便戒烟方五則

附原函

查全國烟民登記業已次第辦理完竣總數計達二百六十萬人按照規定是項烟民均須依照年齡大小分年分期逐漸施戒當經擬定戒烟醫院章程并設立醫院計劃通飭一體遵照辦理在案惟公家財力有限醫務人才不足各地方能否同時普設戒烟醫院實爲疑問縱能照章設立而一般窮苦勞動烟民是否有餘時餘力可以從容入院戒烟尤待攷慮其身居窮鄉僻壤者旣無入院機會卽無自新之路更應兼籌并顧爲補救計戒烟醫院固須視公家能力所及儘量設立而同時亦應配製適

當之戒烟藥品以應各種烟民在家自戒之需要年來各地藥商製售戒烟丸藥風起雲湧無慮數十百種宣傳廣告無不動聽容其實際非屬合毒質替代過癮即屬毫無效力欺騙煙民結果不但不能達到烟民戒除烟癮之目的并予煙民生理上以莫大之危害貴館提倡國醫不遺餘力對於煙民如何施戒如何處方擬請指定名家詳加研究如有良方并盼即予詳示俾便處方配製為煙民戒烟便利即所以為公家省財力為民族求生存裨益公私當非淺鮮相應函達即希查核辦理見復為荷此致

聘函

聘請李克蕙先生為本館編審委員文二十五年九月七日

茲敦聘李克蕙先生為本館編審委員此訂

聘請丁福保先生為本館編審委員文二十五年九月二十九日

茲敦聘丁福保先生為本館編審委員此訂

西醫臨症，於自覺症候以外，還更重視它覺的病理檢查。舉例；腦神經病，西醫可以分為二十幾種。但其治法，則多共通性，如靜臥、冰罨、瀉血、浣腸、安眠、強心等之應付。吾不知其如許精密之病理分析，在治療學上取居何等價值。抑生物之組成，基於細胞。是否病理學進步，更從每一個細胞體推尋之乎？則細胞又成於化學原子；原子又成於電子。將無以究其極！由前之說，現在之病理檢查，為未臻正確；由後之說，則西醫學理尚未成熟而有待於進步也。

選

載

改進中醫藥之建議

丁少侯

甲 緒論

或問於予曰。『中醫藥何爲而改進也。』曰。天地間自然科學。決不能單獨成立。每應環境之需要而產生。無時不在進化之中。况夫醫學爲最高之學。疾病生死之相關。國計民生之所繫。焉得不隨時代之進化。適應環境之需要。而獨自成立耶。上古之時。神權當世。醫學類於巫祝。逮於秦漢。天人纖維之說盛行。故說醫者亦帶黃老哲學之色彩。晉唐之佛學。宋明之理學。均莫不影響及醫。吳氏乘晚明兵燹之餘。故治疫之法。勝於常人。仲景當建元傷寒之際。故傷寒一書。神其妙悟。此皆因時代環境之不同。故醫學之道。隨其自然之進化而演成。毫無牽強附會之意也。近世科學昌明。西醫西藥。遍行我國。理化解剖之說。囂攘中原。故一般學者心理。恆以趨新爲急。衆口曉張。高唱科學化之論調。要之時勢所趨。醫學隨自然而改進。誠有不得不然者。若一味守舊。昧死盲從。執迷上古纖維五行之說。將來必爲時代落伍之醫學。爲世界潮流所不齒。可不言而喻矣。侯不敏。謹就鄙見所及。作『改進中醫藥之建議』一文。凡縱橫二大章。分四篇二十七條。對於改進中醫之意見。條理悉備。纖毫畢露。文曰『改進』。謂就中醫不善者改之。既善者進之。借西醫學說。調劑中醫。絕非徇私阿比。投降西醫之所比也。全書既成。謹述斯義於篇端。

乙 縱的方面(精神建設)

A 對政府的幾點要求

中醫藥之風行吾國久矣。歷代治驗。有口皆碑。自民元以來。歐風東漸。高倡維新。國醫地位。亦暗受科學潮流而動搖。日浸月淫。以致近十年來。國醫在中國境內。幾無消容之迹。政府既無意提倡。反受科學之迷濛。日以摧殘中醫爲能事。視中國醫藥。爲不合科學之潮流。茫然無顧。視國醫興替。若秦人視越人之肥瘠。漠不相關。甚且刪除學統。攫奪政權。事實所在。斑斑可攷。上者如斯。下者起而效尤。日唯學習西醫推銷西藥爲急務。視國醫無法律之保障。地位之卑微。嗚呼。以學習國醫爲恥。心灰意冷。志氣銷沉。嗚呼。此非國醫之劫連而何。故不欲提倡中醫則已。如欲提倡中醫。則必求政府爲之援導。於法律經濟地位。處處予以保障與提攜。庶羣情趨仰。衆意雷同。所謂上者所好。下必有甚。吾知不久之將來。必能起國學於垂絕。而光大于五洲可也。茲將要求五條。顛例於左。以爲知音者採納焉。

一、法律上之保障

醫爲自由職業。本無法律之足言。其言法律者。蓋謂法律上之保障如是也。西醫于法律之保障，自條例頒布以來。向有明文。如開行業務。西醫在衛生署登記後。取得執照。即可遍國行醫。不受當地政府之牽制。中醫則必隸屬當地政府之管束。行醫執照。亦必仰求當地

政府之頒給。因各地之主辦不同。故甲地有效者即不適用於乙地。乙地有效者即不適用於丙地。其手續之麻煩。金錢之損失。所耗非淺。又如診療險病。西醫可聲戒於先，獲得法律之保障。雖死無償命之咎。揆之中醫。能乎可乎。諸如此類。不勝枚舉。此第就其犖犖大者言之耳。若夫教學之自由。參政之優先。皆非中醫所能望及。故欲建設中醫。必先在法律上取得保障。然後地位方能隱固。業務得以發展。此所以必請求者一。

二、地位上之平等

中醫爲吾國先民固有之文化。歷世相傳。代有專政。周禮隸於天官。漢書屬於少府。唐之國醫士。清之太醫院。皆爲專任之政事。自科學昌明以來。西醫挾其機械手術之新奇。囂攘中原。國醫地位。隨之一蹶不振。政府對於西醫西藥。力謀進展。凡當道要衝。處處予以特殊之權利。如衛生之行政權。法律之優先權。財政之調使權。業務之自由權。凡此中醫之不能享受者。西醫皆得而享之。立場雖同。地位則異。天光水月。霄壤懸殊。名雖中醫存世。實則已奪其魄矣。故吾輩欲中醫之進展。必先在地位上爭得平等。權利義務。處處與西醫並駕而齊驅。庶學術得以宏大。利權不致外溢。民生國計。實利賴之。此所以必請求者二。

三、學術上之獎勵

中國醫學。以實驗爲依歸。以治療爲中心。吻合事理。不尙空談。祇以歷世相傳。各代編纂。多染宗教之色彩。故近世洋醫輩出。詆爲玄學辟術。爲科學所不齒。實則臨牀經驗。

尙不睜於科學。藥物治療。尤多合乎新知。故最近東西各國。提倡中醫中藥者。已頗不乏人。如麻黃素之治喘。當歸兒之治血。相繼發明。呼號塵上。殊不知證之中國已爲數千年來之事實。科學相印。毫厘不爽。吾輩果能潛心研究。則知中國醫學。何嘗非科學醫也。惜夫事非易構。才財兩難。學西醫者。既無心研究。維便是求。爲國醫者。雖有意追尋。然經濟問題。萬難支持。故欲改進中醫學術。則惟仰求政府。爲之援助。取歐美學術獎勵之策。以鼓勵學者之興趣。凡國民有一藥一術之發明。則授以特殊權利。予以精神物質之援助。如此者學潮勃興。千里可冀。不數年後。吾知中醫學術。戰勝於世界可也。此所以必求者三。

四、經濟上之提攜

凡百事業之創立。以經濟爲最大原則。中醫在國家行政。既失其優勝之權。而在經濟地位。又不得提攜之助。此二者。實中醫之致命傷也。反就西醫觀之。自民國鼎革以來。一切建設事業。處處受政府之提攜。如學校之創立。得衛教二部之補助。中醫不得享也。藥廠之設置。得實業工商部之協助。中醫不得享也。他如醫院之設立。實驗處之組織。留學生之費用。皆有公款之浸潤。得無澀手滯足之弊。證之中醫。能乎可乎。吾人慮及於此。誠不啻作三太息也。夫西藥行世。利權外溢。洋醫當道。國款內耗。以中國農村破產社會凋零之今日。而欲行此貴族化之西醫。將何以堪之。深望政府及早領悟。提倡中醫。挽回國脈。庶民生載德。恩利普沾。且於物質精神。處處與以提攜與補救。中醫復興之機。實利賴之。此所以

必請求者四。

五、業務上之任用

太史公曰。「士爲知己者用。女爲悅己者容」。天下之事。凡屬實業之類。莫不以求用爲先着。醫藥亦然。西醫自東漸以來。深得當局政府之擁護。龍蟠虎踞。各佔要津。諸凡機關學校之職司。藥廠醫院之管理。莫不任用西醫。擯中醫於腦後。漠不之顧。因之中醫之生活日窮。西醫之生活日恣。中藥之銷路日蹙。西藥之舶來日多。耗財傷國。莫此爲甚。而喪心病狂之徒。惑於迷濛。嘆身後之蕭條。學無所用。慨前途之茫茫。問津乏人。於是變欲學中醫之念。一轉而學西醫。入主出奴。覩然無恥。嗚呼。吾知中醫之興。亦難也矣。故欲復興中醫之根本基礎。端在業務上之任用。業務任用。中醫之命脈在焉。此所以必請求者五。

B 對自己的幾點修養

修養云者。謂精神上之保養與革除是也。中醫之能賡續數千年。久入人心者。此必有中醫之特長。中醫之顛沛流離於今日。斯道式微者。亦必有中醫之所短。其特長者。須保而納之。其所短者。必革而去之。此所謂修養云云。蓋凡物質之進行。必先以精神爲之先驅。反之違精神以求物質。鮮有不僨事者矣。中醫之精神修養。約分三種。試條陳於左。

一、團結精神以禦外侮

物必有團結始能有堅固。有堅固始能有力。中醫對於團體事業。向無紀統。南轅北轍

。各自爲政。素爲西醫所睥視。自民國以來。西醫各佔要津。日以消滅國醫國藥爲能事。勾心鬪角。無味不至。然反顧吾國醫界中。朝夕昏懵。泄泄沓沓。魚游烹釜。燕處危巢。禍已及身。而不知自悟。甚至彼此謗毀者有之。黨派抵觸者有之。鬩牆萁豆。互竭私爭。羣心渙潰。一般散沙。若與西醫有團結有組織之精神比較之。其相去之高下。正不啻霄壤間矣。曩者。余嘗欲爲文。將整理中醫之方案貢獻中醫同志。今觀中醫界中。羣心淆亂。精神紛糜。始悟整理中醫。非先從精神着手不爲功。古人有言。「物必先腐也而後蟲生之」。竊謂中醫墮落。非獨西醫之侵逼爲然。蓋中醫有以招之故也。深願醫界同志。捫心自檢。各棄私懟之見。團結精誠。以禦外侮。羣策羣力。奮勉有加。推軒歧之巨輪。與西醫頡頏於世。不勝有厚望焉。

二、虛心懷納革腐涵新

中國醫書。汗牛充棟。其中奇方真理。固相見迪多。然玄說虛譚。亦在所不免。漢唐以後。五行纖緯之說盛行。醫藥潮流。亦隨之而變遷。於是軒歧活人之術。一變而爲纖緯五行之哲學。故近世洋醫輩出。詆中醫爲玄學。與歐西科學不相吻合。羣舌曉曉。幾有不容中醫舉存之勢。竊嘗論之。中醫之足存於世。得大衆之信任。非中醫之玄說使然。自必有經驗獨到之處在焉。蓋中醫臨床實驗。每有一方一藥。足以折服病魔。其處方之巧。取効之神。尤非西醫所能夢及。試問此經驗得來之事實。與病理生理相印證。其所起之變化。自非科學而

何。惜夫習中醫者。墨守舊繩。師心自用。各矢門戶之見。以竊效西醫者爲恥。愚昧者更且抱殘守缺。以纖緯五行之說爲體用。翫忽中醫之本旨。學古而泥於古。遍國之中。不乏其人。殊不知學問之道。隨時代而演進。不合時代之進化。是爲落伍之學。爲世界潮流所不齒。醫藥亦然。中醫在上古之時。陰陽八卦之說盛行。中古之時。纖緯五行之說鳴世。醫藥隨之。莫不受諸說之染刷。梁唐之佛學。宋明之理學。無不影響及醫。迨至清末民初。海禁開放。科學東漸。中醫學識。亦日受科學之澎漲。深入腦際。於是一般社會青年。力倡革新中醫之舉。謀合科學之潮流。事非不善。但每因立足不固。於中國醫學。本無認識。客觀有餘。主觀不足。日受西學之浸淫。弁髦祖國之文化。投城倒戈。喧賓奪主者有之。夫以數千年聖賢相傳之文化。億兆人生命所託之國粹。真理所在。自難淹沒。牛山濯濯。豈其本性。深願國人本其天良。居誠研究。賡續軒岐之絕學。追隨仲景之門牆。卽自證不足。亦當借助他山。以科學之方式。整理中醫。披沙揀金。拋磚引玉。虛心懷納。革腐涵新。務使中西醫藥。屏斥門戶之見。一變而爲世界新醫。冶學術於一爐。躋斯民於壽域。無任翹首待之。

三、仁心仁術濟世爲懷

醫爲活人之術。亙古至今。良醫與良相並傳。良以救人救國。異道同心耳。降至近代。世道不古。人心乖亂。於是濟人活世之心。一變而爲刀俎斯民生術。漠貧趨富。惟利是圖。以疾病爲輕事。以財物爲前提。致富者有保壽之高。貧者無求醫之望。中醫如斯。西醫更無

論矣。夫惻隱之心。人皆有之。醫本仁術。焉能外惻隱以爲醫。古人比良醫於良相。實以惻隱二字尊重醫者人格耳。醫者若以人命爲草芥。無異自輕人格。不獨爲病人所睥睨。抑且爲立場所不齒。顧名思義。得無愧于中乎。吾望醫界同人。共存斯見。秉胞與之旨。膺飢溺之念。仁心仁術。濟世爲懷。庶惠能遍施。恩可普沾。此道德精神之一。亦爲醫者急待修養者也。

丙 橫的方面(物質建設)

A 整理醫藥(醫教)

一、統一病名

中醫之不能統一。厥有二難。一難於病名之不統一。二難於治療之多支離。治療方面。姑置弗論。茲先就病名言之。歷代沿傳。恆多訛誤。譬如痢疾一證。內經名之曰滯下。千金名之曰腸辟。傷寒名之曰下痢。近人名之曰痢疾。又如中風一證。內經名之曰大厥。金匱名之曰中風。此時間性之不同。時間之外。又有空間性之不同。以甲地與乙地之病名較之。每多柄鑿而不相入。如麻疹一症。南人名之曰痧。北人名之曰疹。江浙名之曰麻。閩北名之曰瘡。此空間性之不同也。醫者眩於諸說。恆多同一病症。發生病。模糊影響。指鹿爲馬者有之。吾中國幅員之大。民族之多。方言習俗之殊。醫藥智識。本不能遍及於辟壤。治療方式。更不能歸根於統一。是以統一病名之建議。爲目前一大問題。曩者。中央國醫館學術整

理委員會曾有統一病名之建議。余得其草案而瀏覽之。竊幸醫界之得人。不禁額手道賀。稱羨無已。第草案之中。尚有疊簡遺珠之憾。白璧微瑕。猶待刪飾。茲惟此事重大。決非一二人所能就。亦非方寸區域所能憑。更非周年數月所能成。必徵集全國意見。共同商討。庶衆擎易舉。集腋成裘。余雖不敏。深有望於同人焉。

二、統一治療

病名既歸統一。治療亦當一致。中醫治療。其亟待統一者。固與病名有同樣之嚴重。但其繁複情形。或且較病之甚而過之。何則。病名混淆。生命猶無影響。治療紛歧。禍福恆如反掌。今試舉一例以明名。譬如白喉一證。或主發表者有之。或主養陰者有之。在對峙之方針。醫者將何所適從乎。夫學祇一是。理無二非。此是者彼必爲非。此非者彼必爲是。學者須以真實之眼光評之可也。其有彼此皆效。調停兩可者。則擇其尤者而存之。措其遜者而汰之。刪繁就簡。務使全國歸於統一。遇一證之認識。必得一確實方法以處理。拔偏救弊。有待於有心之人。

三、創辦國醫學校

病名之不統一。治療之多歧紛。爲整理中醫之二大詬弊。欲歸納學術於統一。則醫校猶爲要焉。蓋中醫傳統之學。素甚幼稚。師生授受。父子相傳。醫籍療之各異。方言水土之不同。遂致釀成種種派別。宗甲者不容於乙。宗乙者不容於丙。秦越異途。互相詆毀。此中醫

不能統一之因也。爲父者得一才一藝。祕不傳人而傳子。遇有子之不肖者。漠視父業。棄之不惜。爲師者察知其徒之不肖。恆至要方祕術。至死不傳。鄉俗之間。更有傳媳不傳女之說。鄙風所趨。遍國皆然。歷代精華。漸見消磨。此中醫陷於衰落之因也。欲救二者之弊。則惟有創辦醫校之舉。莘莘學子於一堂。會遠近諸賢於一室。朝而探討。夕而攢研。切磋琢磨。共收觀摩之益。教材務祈統一。課程尤須一致。同工共曲。斯可以並駕而齊驅。舍短取長。方足以盡宣而不隱。且於教育系統。列入專科。或設主管機關。勤加鞭策。務期一日千里之勢。中醫教育。始可謂盡善盡美矣。

四、創立國醫師範學校

整理學術。旣以創辦醫校爲最上乘矣。然辦理醫校。責任綦重。自非程度不等學說參差者所能事。則醫學之教員。不無問題也。竊嘗觀中醫學校。在國內者雖存十數。但多學說不一。課程紛歧。南轅北轍。各自爲政。若以科學之眼先鈞衡之。其相差之間。誠不啻以黍銖計者。此何以故。蓋因教員資格之參差。學術程度無規定。有以致之也。故欲創設中醫學校。造就專門人材。非先從教員訓練不爲功。孟子曰。「以先知覺後知。以先覺覺後覺。」培根固蒂。正本清源。曷嘗非中醫界之一大事業也哉。

五、徵集民間單方

上古文化未明。民智未開。醫藥常識。雖已早有發明。但因醫巫小技。恆爲士子所不齒

。帛少簡繁。故多略而不傳，是以單方妙藥。流入民間。爲鄉民所傳習。但其治病之功。每有一方一味，卽足以取效一時。應驗之處。誠有不可思議之妙。諺云。「單方一味。氣煞名醫。」良非虛語也。夫學術以實驗爲依歸。不符實驗之學術。卽爲玄學。中國民間之單方。由數千年歷試得來。全憑實驗。不尙虛談。揆之科學範圍。無非絲絲入殼。徵之臨床治療。莫不如影隨形。其真正價值，殆非虛玄無稽之學說所能比擬。近茲國醫界中。有單方研究社之組織。徵集民間單方。加以科學之究研。庶科學得單方而證實。單方得科學而顯明。二者相合。誠有白璧映韜之妙。余願醫界同人。速自奮悟。廣設分社。共襄斯舉。其於國醫學術之工作。不無一大貢獻云。

六、普遍醫藥智識

學術以顯明爲主。不在玄奧。不尙空談。此近世科學之標目也。西醫學說。所以能深入人心。博得社會之信仰者。此非醫學高明使然。實因其顯名淺著易入人心故也。觀夫全國學校。自初小以及高中。莫不採用西醫之教材。神經泌尿之名詞。細菌萬能之學說。先以啓發童蒙。後以蔽乎後學。歐風美雨。潛浸默移。西學洋化。暗契腦際。學以先入爲主。以此等醉心西化之學生。出而問政。自於其祖國文化。不吝輕蔑。妄自菲薄。漠然無顧之價值。甚或摧殘淘汰。喧賓奪主者有之。嗚呼。中醫之亡。非西醫之咎。實由於學識之不普及故也。夫以中醫學術之淵深。欲普及於今日之社會。亦難矣哉。深望醫界同仁。共念斯旨。以科學

整理國醫。編入教系。爲初學之基本教材。使初等學生。亦能領略中醫之大概。旁設電影廣告。遍向民間宣傳。庶信仰中醫之心。或可不久而轉移。此所謂中醫大衆化也。

七、推廣醫藥雜誌

雜誌與書籍之異差。厥有三點。一爲醫界消息之靈通。二爲學術程度之銳進。三爲思想文化之總匯。執此三端。與私家祕本相抗衡。一取急進。一取緩進。其相去之間。似難以黍銖道里計矣。中醫雜誌。在國內流行者。亦不下數十多種。但考其內容所載。類多瞽說充耳。彼此雷同。不脫數千年陳腐之氣。欲求一真正科學化之刊物。恆如鳳毛麟角。奇貨可居。此實中醫衰落之大原因也。俟目擊心傷。屢向醫界作呼籲之求。欲促進大衆之領悟。同時請政府竭力提倡。加意審慎。使國醫日趨於新穎。一刷其數千年陳腐之氣。庶於中醫革新之道。不無一小補云爾。

八、審查國醫書籍設立國醫研究院

國醫書籍。汗牛充棟。自古迄今。精義者有之。玄晦者有之。不加審查。妄自舍取。必致學說紛歧。見解殊途。宗甲者不容於乙。宗乙者不容於丙。欲求中醫之統一。亦難矣哉。故設立國醫研究院。爲刻不容緩之事。搜集全國醫籍。聘請名家審定。刪華存實。去陋補真。務使一字一句。莫不窮詰其精義所在。然後梓而行世。並時設有專司。監督坊間醫籍。倘有未經審查定者。卽飭令停止版權。間有民間遺書。家藏祕本。或荒誕而不近事實。或迂曲

而糾葛難通。一經發覺。立付秦火。使片紙隻字。無存於學者心目之間。且常竊取西醫學說。互相匯通。使學術治療。一臻完美。斯於改進中醫之旨。其庶幾乎。

九、審查國產藥物設立國藥研究院

中國藥物。向爲西醫所不齒。謂草木雜糞。成分不精。焉能治愈人身之疾病。惟近年以來。西醫研究中藥之風。漸囂塵上。於是麻黃素之治喘。當歸兒之治血。吉梗素之止咳。大黃精之瀉下。遞次發明。屢見不鮮。其研究精神。較之業中醫者甚且過之。愧吾國醫界中。墨守舊繩。故步自封。獨尙形色氣味之陋習。以憶度生藥之功用。諸家本草。本人云亦云之能。勤說雷同。互爲是非。且藥物浩繁。編次龐雜。使初學者得之。每至望洋興嘆。靡所適從。故形色氣味之風益昌。藥理之真義益晦。欲入中醫科學化之途徑。不可得矣。曩者。北平研究院有生藥專員之設。以科學方法化驗中國藥物使得確定之成分。法善術美。實爲藥學進化之嚆矢。余願政府步此前程。設立國藥研究院。聘請藥學專家。以億萬倍之功。審查國產藥物。使中藥之真正價值。得以彰明於世。吾知不數年後。中國藥物。必能備受世界各國所歡迎。且爲中西醫界所樂用。庶利權可挽。國庫司充，民生國計。胥有利焉。

十、設立國醫院

國醫之學。學說與經驗並重。無經驗則說理虛泛。無學說則治療渺茫。故各地國醫學校。於學課之暇。僉設門診部以資學生實驗。意在學術治療。互相進益。法極精美。無以復加。

。近來首都將有國醫院之設立。聞中央決撥款十五萬元。開始經營。規模宏大。將來爲國醫實驗之區。其收效當在不鮮。誠開國醫界空前未有之新紀元也。

十一、訓練護士

護士訓練。西醫立爲專科。中醫響未注意。以護士之責。託之病家。濫竽充數。病家固未熟諳護士智識。每因調養失職。往往敗事於垂成。致死於非命。橫遭慘劫。殊深浩歎。夫以有病之人身。生理體工。均非常人之態。故食物之宜忌。起居之調節。皆當以迎合病體爲原則。適情御意。拔偏救弊。自非深諳醫理者不爲功。若一以付之不明醫理之病家。其不僨事者幾希。若一以付之醫師。則牛刀割鷄。笨重何堪。此所以訓練護士。爲中醫當前必需之要圖。深願同人猛省之。

十二、訓練藥劑師

藥劑師者。製配藥劑之專司也。其名出自西醫。中醫本無此名。而以製配藥劑之重任。委之藥舖夥友。師徒傳授。各承家技。其間或因方俗出產之不同。製配修採之各異。故藥品之功效。每有大相徑庭者。如半夏製生姜。不問其分量之多寡。苦參浸米甘。不問其時日之短長。熟地九蒸九晒。吳萸鹽洗醋煮。皆不能依法修製。不差毫末。尤其以丸散膏丹之配合。藥料分量。任意增減。不守一定之標準。此皆無相當之訓練故也。夫以藥劑師之重任。一藥之得失。有關乎疾病之安危，而以諉之道德觀念智識程度薄弱之藥舖夥友。其不恣其所措

。殺人於無迹也幾希。近者。醫界同人。目擊藥夥之作俑。漸次領悟。對於訓練藥劑師之建議。齊表同情。未知中醫當局。亦曾及注意否也。

十三、訓練助產士

中醫於各科組織。皆極精嚴。而獨忽乎產科。意者謂茲事羞賤。有關醫者體面。似有不屑爲之義。殊不知助產臨盆。責任重大。自非熟諳手術精司其事者不爲功。若必以託之不識生理之穩婆。不知消毒。任其宰割。其不敗事者鮮矣。西醫對於此道。頗極研究。近年以來。各地助產學校林立。皆以手術貢獻於社會。頗得各地人士之信仰。余望中醫界人。亦當追隨後塵。共起研究。間有使用藥物之處。僉以提倡國產藥物爲原則。如普明子臨產將護法。楊子建十產論。頭角初露。已見一斑。學者擴而充之可也。

B 管理醫藥(醫政)

一、慎重中醫考試及登記

管理中醫。代有專司。自清末醫政廢殆。業醫者遂遍處皆是。泛濫無紀。甚至以一二年之粗功。識數方數味。亦公然懸壺問世。糊口天下。是以中醫程度之高下。相隔天淵。嗚呼。此中醫之所以見輕於世界也。不爲無因矣。民國以來。西醫充斥要津。中醫考試登記。不屬中醫而屬之西醫。西醫本消滅中醫之野心。取放任手段。玩忽考試。濫發執照。使一般無識中醫。亦得濫竽充數。吳市吹簫。獻其窮醜之藝。以敗壞整個中醫之風紀。使中醫學術不

足取信於人。其消滅中醫之野心。可謂厲且極矣。前者。中醫條例。公布於世。以考試屬之考試院。以登記隸於內政部。理公法正。方欲額手稱賀。詎知轉忽之間。政府竟修改條例。將管理中醫之權。復屬之衛生署。西醫執政。大有覆蹈前車之懼。深願同人猛然省悟。據理力爭。務期管理中醫之權。仍屬中醫。使考試登記之事。不為西醫所舞弊。同時希望辦理中醫考試登記之當局。嚴屬執行。慎重取舍。使腐化中醫。不得躍試。庶於統一中醫之道。必有一新貢獻也。

二、取締民間神方

上古時代。醫藥類於巫祝。單方妙藥。多半託於鬼神。祕不傳人。相習成風。至今不改。江湖之間。每於疾病之時。往往祈之鬼神。禱求巫覡。濫施湯藥，效則貽功於神。不効則嘆命於天。以為鬼神司命。調劑禍福。沒齒而無怨言也。殊不知此乃民智未開之陋風。值茲世界維新科學昌明之今日，而尚有出此行爲。可見吾國醫藥智識。仍陷幼稚境遇。遠不及歐美之萬一。吾請政府對於此事。深予嚴厲取締。為醫界除一障礙。拯庶民於枉死城中。則民族幸甚。醫界幸甚。

三、調查藥鋪藥物

整理中藥意見。大意已詳前「訓練藥劑師」文中。不過彼為積極。此為消極。相差有標本急緩之不同。中醫藥物。各自為政。彼此製法不同。功效亦有差異。甚有以贗亂真，敗腐

塞責。病家得之。往往輕者轉重。重者轉危。朽藥誤良方。殺人於反掌間耳。凡此皆爲政府應有管司之職權。巡緝調查。務使鋪中藥物。歸於清潔統一而後已。此亦中醫改進之一要圖。深願同人猛省之。

四、設立製藥廠

西藥有製藥廠之設。規定藥物。分量。製造。提取。收貯。……等項。一一歸於統一。其大者屬於政府主辦。或受政府直接管理。一般奸巧藥商。不得暗中漁利。以贗亂真。造福民生。實非淺鮮。中國藥物。雖無設製藥廠之必要。但於丸散膏丹。及藥酒藥露等等。皆應有相當之規定。間有藥物之富於副作用者。亦可提取其純粹之成分。效西法之製造。凡此皆應設有專司。依法修製。故藥廠之設立。亦爲當前必不可少之事業也。

五、提倡種植國藥

中國地大物博。土壤膏腴。故醫物繁多。性情和緩。遠非東西各國所能比擬。近代民生繁殖。人口日增。疾死死亡之率。數倍於於前。國產醫物。大有出不敷求之患。自民初以來。洋醫充於市肆。國醫銷路。遂至一蹶不振。漏卮外溢。數可驚人。吾嘗歸本此義。實緣於國醫不事改進與產量之衰落故也。象貝受壟斷。以致價格飛漲。茯苓受統制。以致貨滯難通。人參因產量少而價至貴。犀羚因見聞寡而用者稀。若能提倡生產。則向之價貴者。今皆賤價可沾。向之難得者。今竟欲求遍是。民之用洋醫者。自然轉慕中藥。利權可保。漏卮可封。

。國計民生。胥有利焉。

六、發展農村醫藥

一國之醫藥。自有一國之環境。一人之醫藥。自有一人之個性。西醫學術。自東漸以來。跋扈飛揚。遍行我國。然稽其十數年來之事實。但博得少數貴族人之歡。尙未深入農村。此何以故。蓋以其爲貴族化故也。夫以中國今日之環境。農村破產。經濟衰頹。生活程度之低下。祇能適合平民化之中醫。若請西醫治療。藥費力資。動輒數十元計。治愈一病。誠傾家蕩產之不暇。故吾謂西醫學術。不能適合中國之環境。職是故也。然則中醫當如之何。曰。中國醫藥。須力求適合中國環境。迎合中國人之個性。發展農村醫藥。設立農村醫院。斯思可遍施。利得普沾。區區之意。未知中藥當局亦曾注意否也。

丁 結論

孔子曰「能近取譬。可謂仁之方也矣。」蓋物理定義。必有一對方爲之抗衡。西醫學術。中醫之對待方針也。故拙構此文。一與西醫比較而出。既不偏踣於中。又不阿附於西。「他山之石。可以攻玉。」要亦反覆考訂。共明真諦而已矣。文分縱橫二章。一經一緯。體入毫微。蓋建設中醫。物質與精神並重。無精神不足以御其物質。無物質不足以顯此精神。余願治中醫者深思此義。將物質建設。築立於精神之上。凡一事一物。必當具大無畏之精神。埋頭苦幹。以促其事實之速成。吾信不久之將來。定能爲世界醫藥陣容放一異彩也。

爲中國醫藥之發明謹告立法委員書

(李克蕙)

不佞自草『國醫的科學藥理篇』一書出版後，銷行以來，深得社會人士之同情，遠及南洋朝鮮之學術界，一致來函推許，中外人士關心本國之學術，可以想見，竊以爲我國醫學之價值在藥物，而發明之早，配合之精，足以睥睨世界，徒以國人舍本逐末，敝屣珍貴，致讓外人竭力研究，轉爲經濟侵略之工具以困中國，不佞現正擬繼草『中國醫藥之發明』一書，搜集我國若干百年前之舊有方藥，而爲歐西醫界認爲新發明者，以告國人，冀以促國人之注意，近聞立法院會議，有關於中醫問題，某委竟不明中國醫藥之真相，盲目批評，恣意誣譏，嗟乎，中國人而不知中國學術，立法委員(指某委)而無法辨別是非，滋可慨也，茲摘錄正在草擬之『中國醫藥之發明』片段，以爲某委告，我國醫藥之寶藏，並希望國人深切注意，無讓歐西學者之研究專美於前也。

中國醫藥之發明草稿

(一) 甲狀腺病治方發明(癭病)

中國最少要比西洋早一千二百四十三年

甲狀腺是內分泌腺體一種，位於喉頭氣管的兩傍，富有血管而無排泄管。

甲狀腺的生理，以前是茫無所知，直至動物實驗把甲狀腺摘出，觀察病理的變化以後，

纔漸漸明白而引人注意，公元一八八四年須夫氏，(Sollitt)把甲狀腺做一種移植試驗，一八九五年包曼氏(Baumann)把甲狀腺做一種化學的研究，於是由狀腺的痛理生理，以及治療的方藥，便繼續不斷地研究，而得有新近的最矜貴的發明。

甲狀腺腫的治方，近世所發明之藥劑，爲碘質劑與腺體製劑，西洋醫界對這腺體製劑，尤其稱頌不已，謂他的功效是首屈一指，稱他的發明是醫學界的一大勝利，(見歐氏內科學)簡直和我國醫書上稱贊藥效的套話，「百發百中，功效如神」的語句，一般無二。

一般人以爲在前我國既沒有什麼最新穎的內分泌學說，也沒有什麼動物實驗的名詞，這種發明的功勞，要不是西洋醫界研究，那裏曉得有這許多大道理。

說也奇怪，我國醫籍雖然見不着種種實驗發明的史蹟，可是從方劑方面來研究，和西洋費盡心血實驗所得的結果，是完全一致，而且佔到首先發明權，茲於古方中摘錄數則，用資證明。

(一)肘后療頸下卒結囊漸大欲成癭海藻酒方

海藻一斤，去鹽，清酒二升。

右二味，以絹袋盛，海藻酒浸，春夏二日一服二合，稍稍含咽之，日三……更作三劑佳。

(二)古今錄驗療氣癭方

羊鬐一百枚，煖湯浸去脂，炙，大棗二十枚，去皮作丸服，忌慎如常藥法

(三) 深師五癭丸

取鹿鬚以酒漬炙乾，再內酒中，更浸炙令香，咽汁，味盡更易，具愈。

(四) 千金翼五癭方

昆布二兩洗，右一味切如大指，酢漬含咽，汁盡愈。

按豬鬚鹿鬚，就是現在所稱的甲狀腺，本草綱目引王璽云，「在猪喉系下，肉團一枚大如棗，微扁色紅者是」，海藻，化學成分含碘量○三三九%，昆布含碘量一、二三四%，換句話說，豬鬚是甲狀腺製劑，海藻昆布是碘質劑。

肘后方是葛稚川所撰，葛氏是晉元帝時人，距民國紀元前一千五百多年，深師在千金方出版前，就把千金方來說，甲狀腺劑治方發明，也有一千二百多年的歷史，因為千金方的著者孫真人，歿於唐高宗永徽三年壬子，這時公歷紀元纔六百五十二年，和一千八百九十五年（包曼氏化學研究時）來對照一下，中國發明，最少年代要比西洋早一千二百四十三年。

宋代王荊公詠癭詩，有「內療煩羊鬚」之句，在西洋醫界認為最新發明最有神效的方藥，不僅是我國一則最古老的舊方子，而且我國幾百年前的文人學士，也輕描淡寫的形諸詩歌，在中國真是毫不足奇。

(二) 胞衣治療的價值

歐西學者新近的證明

國醫公報 選載

胎盤爲母體與胎兒間連絡器官，又稱胞衣，處方多寫紫河車，在我國應用治療，千金方外台祕要都有記載，自然也是千餘年前的古方之一，其醫治效能，如虛勞，調經，種子，難產，多產，尤其於子宮病有特殊效能，這在吳球大造丸一方配合的主治，可以推知，（中略）在先洋人見國人用這種污物把來製藥，不免嚇得退避三舍，但是到現在，終於證明了，不僅看了不怕，而且看了可愛，他所用動物實驗所得的結論，值得介紹如下。

（一）人胞能促進乳房之發育，催進乳汁之分泌

（二）人胞合有性刺激素，有調經，種子，健全女性之功用。

（三）人胞有預防麻疹，或減輕麻疹之效能。

（四）人胞供藥用，在醫學上有重大之意義，尙有待於未發明者不少。讀者請詳細比較一下，便知人胞治療應用，是中國首先發明的哩。

（三）催生丹

腦下垂體單味製劑，不及兔腦丸配合有興奮收縮的作用

近來西洋醫界費了九牛二虎的力量，發明一則臟器療法原則，突飛猛晉，大有一日千里之概，腦下垂體後葉製劑，應用催生，也是新發明的一種。

因爲腦下垂體特殊作用，能刺激平滑肌而使之收縮，故應用臨產破水後，收縮子宮，使易產生，有特效，可是中國老早在近千年前的宋代，已經發明應用兔腦催生，而且多味配合

，在應用方面的成績，從藥理研究，要比西洋單味方合理而有特效了。

就兔腦丸的配合而論，有麝香，丁香，乳香配合，麝香丁香能強心，興奮子宮，乳香鎮痛，兔腦收縮子宮，混合應用，不是要高明得多嗎。(餘略)

(四)產後收縮子宮

回生丹抵制麥角劑

產後子宮擴張，復故不全，在西洋應用有效的方藥，是「麥角」，因為麥角能收縮子宮，而且復有止血的效能，所以一般醫師，都非常賞用，而尤賞用於陣痛微弱。

中國於產後賞用的藥劑，收縮子宮以外，還得佐以祛瘀藥。化除瘀血，使之不停蓄子宮而排泄之，現在就把婦科回生丹一則方子。和麥角來比較一下，其藥效功能，足以抵制麥角而有餘。

回生丹的藥味配合，共三十餘味，現在舉幾味主要藥，便可證明他的特效，他的主藥是用醋九斤，黑豆三升，大黃一斤，紅花蘇木各三兩，醋是著名的收斂劑，紅花蘇木是祛瘀解凝劑，他的主治是「治產後百病，其效如神」，每服一丸，價廉物美，尤其是國藥的本色，還不應當提倡嗎？(餘略)

考我國藥物之發明與平方劑之特效，近已引起世界各國之注意，如麻黃治喘「Ephedrin」(美，德，日，均有製劑)當歸調經「Fumeneol」(德製)防已鎮痛「Sinomein」(日製)麻黃桔梗祛痰

鎮咳，（日製）外人方努力研究，提取精華，改良裝置，轉以運銷中國，右舉數例，不過中國發明之一部，已足以窺一斑，他日有暇，編述成篇，當有以告國人，至我國特效之藥方，（如疔瘡，瘰癧病），外人尚無治方者，尤指不勝屈，特未經外人證明，則存而不論，論之，亦難以喚醒特殊媚外心理者之迷夢也。

今日者，物競天擇優勝劣敗之競爭時代也，我國固有之方藥，宜如何鑒於外人之窺伺，而努力整理改進，積極以與世界醫藥爭一日之短長，消極以抵制外貨之輸入，乃前此有某學者之悖謬言論，今後有某委之怪誕談話，吾疑若而人者非中國人，否則中國人對中國學術，反不若外人之明晰，甯不可異。

國醫條例公佈矣，立法委員諸公，於條例之施行，國醫之改進，必有以慰一般關心國醫學者之企望，一二無識之流，何足輕重，惟有進者，中西醫平等待遇，為根本不二之原則，國醫歸衛生署直轄，亦為國家行政上統一之措施，惟實際上，中西醫學行將共趨一途，而現代尚存隔閡時代，委於不明國醫學之人員管理之，其利弊將如某學者某委員之怪誕，結果何堪設想，即退一步言論，管理人員不加摧殘，而聽國醫之自然發展，不予扶助，則國醫亦將永無改進之一日，審如斯，則國醫應即成立之中醫主管部，為便於國醫之推行與改進，主管人員，須於國醫學有深切認識之人員擔任之，另設西醫主管部，以司西醫之行政與管理，而兩部皆隸屬於衛生署，署長人選，中西醫皆須有當選資格，如此始得謂平，中西醫如果能通力合作，相互切磋，吸受世界新知，發呈固有學理，我國之醫學，必有極大之收穫，而中西醫之一名詞，將永為歷史上之紀念，不復掛諸齒頰。政府不令有中西門戶之主旨，始能真正達到也。

臨診之紀錄

張忍庵

臨診，西醫又叫作臨床。似乎臨床其意義包括施用手術；臨症則多止於開方。故中醫以後者之稱為適宜。中醫之診，向分望、聞、問、切。問為其最主要。陳修園對於問之程序，一問什麼，二問什麼，以至三問四問，編有歌訣，學者稱便。但如不加紀錄，自喻而不能取喻於人，仍非現代醫者所應有之態度。茲特開列表式，依式照填，免致遺漏。

備 考	地	住	業	籍	年	性
	地	住	業	籍	年	性
起 因						
症 狀						
診 察	體 溫	脈 搏	舌 苔	食	便	
				飲	溲	
斷 症						
治 法						
處						
方						
其 他						

年 月 日

說明

- 一、右列上端，寫病人姓名。
- 二、性別：中醫開方，除特種稱呼外，每以「左」代表男性，「右」代表女性，如「趙左」
「錢右」之類。西醫則假用符號以「♂」代表男性，「♀」代表女性，前者嫌為浮泛，
而後者對於國人為非所素習，類似含有神祕性，宜直填「男」或「女」。
- 三、年齡：關係病人體質，不應忽略。
- 四、籍貫：中國幅員廣大，南北氣候異宜，秉賦各別，參考所需，亦不應忽略。
- 五、職業：分工愈細，作業愈專，生理機能，不能平均發展，或因特殊環境，起現特種症狀
。故有所謂「職業病」者，職業與病理關係甚切，亦不應忽略。
- 六、住址：門診病人如不再來，無由知其結果如何。或者為已愈，或者為加重。負責之醫士
，每有錄其住址，而留為通函查詢之用者，故亦不應忽略。
- 七、起因：係由病家自己陳述，如感冒，傷食，或抑鬱之類。
- 八、症狀：包括「望」「聞」「問」所得之事項。
- 九、診察：
 - a、體溫：寫發熱或無熱，或用體溫計檢查，標明其分度亦佳。

b、脈搏：或寫其形像，或寫其次數。

c、舌苔：寫其形狀色澤。

d、食：寫其量。

e、便：寫其量與形狀。

f、飲：寫其好惡冷暖與量。

g、洩：寫其量與形質。

十、斷症：或寫病名，或寫病理。後者如「濕溫」，「風火」之類，在審症未經確定以前，似亦不妨暫用。

十一、治法：經方派醫士，可寫方名；時方派醫士，可寫藥理性質。如「芳香之劑」，「溫補之劑」之類。

十二、處方：開列藥名，附以分量。

十三、其它：或寫煑法與服法。中醫臨症，對於煑法服法，往往不與顧問者。但經方皆有煑法與服法，寫明更足昭示慎重。

自起因，以後各列，如有意義相類，而性質各別者，另就「備考」填註。最後年月日亦不宜忽略。

國醫防疫之研究

商復漢

引言

素問四氣調神大論曰，「聖人不治已病，治未病」，金匱臟腑篇云，「上工治未病」，夫治未病者，預防疾病之謂也，歷來醫家，大都詳於治已病，而略於治未病，揆其主因，實由風氣閉塞，民智未開，徒以焦頭爛額爲上客，而不知曲突徙薪爲上策，縱有須防疾病之方藥，其如民衆之不信從何，昔「仲聖見侍中王仲宣，時年二十餘，謂之曰，君有病，四十當眉落，半年而死，今服五石湯可免，仲宣嫌其言忤，受湯勿服，居三日，見仲宣，謂曰，服湯否，仲宣曰，已服，仲聖曰，色候固非服湯之診，何輕命也，仲宣猶不信，後二十年果眉落，一百八十七日而死，卒如其言」，夫博學多聞如仲宣，尙不信仲聖之諄諄告誡，愚夫愚婦，更無論矣，然則國醫防疫學之瞠若乎後，豈無故哉。

今秋各地時疫流行，蔓延頗廣，單就江蘇如皋一縣而論，死亡人數，達五六萬之多，其他縣市，可以想見，本刊十期載有李克蕙先生所撰我國固有防疫之一班一文，以醫事防疫，節令防疫，迷信與防疫，分類引證，朗若列眉，惟國醫防疫，素乏專家研究，雖古書間有記載，亦不過鱗爪而已，當茲衛生幼稚，時疫盛行之際，國醫同人，豈得自甘落後，而使歐美獨擅其美，爰特搜集古來關於防疫之方論，參以經驗之所得，考其源流，分門別類，臚列於

後，惟學識譾陋，見聞不廣，遺珠掛漏，在所難免，深望海內名哲，出其所有，互相研討，庶防疫方法，有長足進展之望，人民可免天札之患，豈不懿歟。

(上)時疫概論

時疫之來，無形無聲，一旦發生，恍如風雨驟至，不可捉摸，欲求防患於未然，須明其傳染之徑路，與其致病之原因，而後乃得施其適當防禦之方法，茲特分述於下。

(一)時疫略史

疫癘傳染，在古昔時，已有之矣，經云，「五疫之至，皆相染易，無問大小，病狀相似」，秦漢而後，晉多寒疫，（見叔和序例）唐多風冷（見病源外台諸書）宋末多中氣衰弱之疫，（見東垣論內傷）崇禎間多溼濁內壅之疫，（吳氏瘟疫論）清代多邪火內灼之疫（見余師愚戴北山王孟英諸家）時疫之來，何代蔑有，特其病因症狀，各不相同，昔賢隨所見而名之耳。

(二)時疫病因

春溫，夏熱，秋涼，冬寒，此四時之正氣也，病源曰，「一歲之內，節氣不和，寒暑乖候，或有暴風疾雨，霧露不散，則民多疾疫」，王叔和云，「春時應暖而反大寒，夏時應熱而反大涼，秋時應涼而反大熱，冬時應寒而反大溫，非其時而有其氣，病無少長，率多相似，此則時行之氣也」，吳又可則謂為天地間一種雜氣及戾氣使然，喻嘉言謂「病氣尸氣，混合不正之氣，斯為疫矣」，以上各家之說，皆以四時不正之氣，為時疫之病因，愚按時疫傳

染，每隨時代四方而不同，環境體質而各異，然氣候劇變之襲於外，飢饉勞役之傷乎中，與夫環境衛生不良，穢濁腐敗之氣，互相蒸發，無一非時疫之導火線。

十九世紀末葉，細菌學日益進步，歐美醫家，僉認細菌一入身體，則無論何人，均患傳染，故以細菌爲時疫傳染之主體，實則病原菌之發生，無不與自然界之溫度和氣壓有關，但中醫言六淫，論其因，西醫言細菌，論其果耳。

(三)時疫病理

歧伯曰，「正氣存內，邪不可干」，正氣者，卽西醫所謂溶菌素，醃菌素，抗毒素之總稱也，正氣旺盛，則抵抗力強，縱有細菌侵入體內，而溶菌素能殺滅溶解之，醃菌素亦能使細菌起一種變化，易爲白血球所吞噬，抗毒素更能中和細菌所產生之毒素，不然，氣候驟然失其常度，體溫調節，卽同時受其影響，各臟器作用，亦因之發生障礙，更有水旱兵燹之後，飢饉勞役，起居失宜，營養難以均衡，則抗毒溶菌之力量，不能不隨之減退，細菌乘機肆虐，疫疾至是而不可免矣。

(四)時疫傳染之徑路

經云，「鼻氣通於天，故陽中霧露之邪，從鼻息而上入於陽，口氣通於地，故陰中水土之邪，飲食濁味，從口舌而下入於陰」，是則傳染徑路，不離口鼻而入，與西醫所謂接觸傳染，空氣傳染，飲水料傳染，土壤傳染，食餌傳染，下等動物之傳染，大略相同，但不若西

醫之明確耳，吳又可謂疫邪九傳，一有先表後裏者，有先裏後表者，有但表不裏者，有但裏不表者，有表勝於裏者，有裏勝於表者，有表而再表者，有裏而再裏者，有表裏分傳者」，其論疫症之傳變綦詳，非所論傳染之徑路也。

(五)時疫測驗

疫症初起，頗與時病相類，診斷殊難確定，防疫工作，亦不易着手進行，故遇類似時疫之症，即用旱烟袋油，先以竹籤透油少許，令病人舐之，如不知臭辣味者，即是疫症，或以生黃豆令病人嚼之，不腥者亦為疫，此法與驗疔毒同，查西醫驗疫，每用顯微鏡之檢查，自較中醫為準確，第顯微鏡價值昂貴，鄉村醫師，力有未逮，似不若此法之簡便。

(中)時疫預防法

國醫書籍，向無細菌之記載，而防疫治疫方劑，多含殺菌作用，且具解毒辟穢……功能，較西醫之專於殺菌者，用意，尤為周到，從茲努力研究，設法改良，則衛生防疫，豈不獨樹一幟也哉。

(一)普通防疫法

1. 小金丹方素問

辰砂二兩 水磨雄黃一兩 葉子雌黃一兩 紫金半兩 同入合中，外固了地一尺，築地實，不用爐，不須藥制，用火二十斤燬之也，七日終，候冷，七日出合子，取出順

日研之，日服一丸，服十粒，無疫干也。

2. 肘後屠蘇酒辟疫氣令人不染溫病及傷寒歲旦飲之方

大黃 桂心各十銖 白朮 桔梗 菝葜 蜀椒各十銖 防風 烏頭各六銖 右八味，絳袋盛，以

十二月晦日中，懸沉井中，令至泥，正月朔旦，平曉出藥，至酒中，煎數沸，於東向戶中飲之，一人飲，一家無疫，一家飲，一里無疫。

3. 治溫病不相染方肘後

正旦吞麻子，赤小荳各二七枚，又以二七枚投井。

4. 又方肘後 取小豆新布囊貯之，置井中，三日出，舉家男服十枚，女服二十枚。

5. 又方肘後 桃木中虫矢末，服方寸匕。

6. 又方肘後 鮑魚頭燒三指，撮小豆七枚，合末服之。

7. 又方肘後 熬豉雜土酒漬，常將服之。

8. 延年主辟溫疫疾惡氣令不相染易豉湯方

豆豉一升 伏龍肝三兩 童便三升 用童便煎取一升五合，去滓，平日服之。

9. 辟溫殺鬼圓熏百鬼惡氣(千金)

殺羊角 虎骨各七兩 雄黃 雌黃 龍骨 鱉甲 鮫鯉甲 蝟皮各二兩 樗雞十五枚 芎藭 珍珠各五兩 東門上雞頭 空青各一兩 右十三味末之，炷燻二十兩，並手圓如梧子大，正旦門戶

前燒一圓，男左女右，辟百惡，獨宿，弔喪，問病，各吞一圓，小豆大，天陰大霧日，燒一圓於牖前佳。

10 雄黃圓千金

雄黃 雌黃 曾青 鬼督郵 珍珠 虎骨頭 丹砂 桔梗 白朮 芎藭 白芷 鬼箭羽 蕪荑 女青 鬼臼 藜蘆 菖蒲 皂莢各一兩
右十八味末之，蜜丸如彈子大，絹袋盛，男左女右帶之，卒中惡病及時疫，吞如梧子一丸，燒一丸彈子戶內。

11 太乙神明陷冰丸千金翼

雄黃 丹砂 桂心 礬石 大黃 藜蘆各二兩 附子 眞珠各一兩半 犀角 白鬼 麝香 射罔 牛黃 人參各一兩 烏頭八枚 芫菁五枚 蜈蚣 蜥蜴各一枚 杏仁三十枚 蟹螯 樗雞 地膽各七枚 當歸三兩 巴豆仁一分 右二十四味搗末蜜爲丸，搗三萬杵，丸如小豆，以藥二丸著門，上令衆惡不近，若至病家及視病人，夜行獨宿，服二丹，衆邪不近，亦可佩之。

12 太乙神明丸千金翼

雄黃四兩 眞珠 丹砂各二兩 藜蘆 附子各一兩半 蟹螯二十枚 地膽七枚 杏仁八十枚 礬石一兩 巴豆七十枚 特生礬石五兩 右十三味下篩咬咀礬石令如麥，入桑白皮如錢大，十四枚，令於鐵器中熬桑白皮，焦黑止，搗二千杵，內丹砂雄黃諸藥，合搗四千杵，白蜜和爲丸，問病臨喪服一丸，漬一丸塗之，止惡邪氣，不敢近人，以一丸塗門戶上，鬼不敢前。

13 斷溫疫硃蜜丸方外台

取上等硃砂粉一兩 白蜜和丸，如麻子大，常以太歲日平旦，大小勿食諸物，向東方立，人吞三七丸，永無疾疫。

14 又方外台 新布盛大豆一升，內井中，一宿出服七枚。

15 又方外台 切松葉如粟米，酒服方寸七，日三服，辟五年溫。

16 又方外台 常以七月七日，男吞大豆七枚，女吞小豆七枚。

17 又方外台 立春後有庚子日，煮蕪菁汁，（即諸葛菜）合家大小並服，不拘多少。

18 辟瘟方驗方新編

雷丸 大黃^{各四兩} 飛金薄^{三十張} 硃砂^{三錢} 水飛生明丸^兩 共研末，以水爲丸，每服二錢

，能免瘟疫。

19 又方驗方新編六月六日，采馬齒莧曬乾，收藏於元旦日煮熟，鹽散醃食，一年能免時疫。

20 又方驗方新編馬骨一塊，裝紅布小袋內，佩帶身旁，男左女右。

21 又方潛齋 夏秋之間，以枇杷葉單味泡茶，可辟穢濁之氣。

〔愚按〕上列諸方，皆爲解毒殺菌辟邪之普通性防疫劑，不無採用之價值，惟時疫種類不一，仍當參考特效之防疫方藥，擇其簡而易舉者，隨宜施用，方爲適當，觀夫金元明清治疫諸家，如東垣之普濟消毒飲，元伯顏之專用大黃，又可之達原飲，喻嘉言之人參敗毒散，余師愚之重用石膏，普明子之重用人中黃，葉天士等之慣用神犀丹消毒飲，

無不隨症施治，防疫何獨不然。

此外尚有古今通用之行軍散，辟瘟丹，紅靈丹，如意丹，平安散，臥龍丹，太乙玉樞丹，太乙救苦丹，萬應痧藥，藿香正氣丸……等方，雖為治疫良劑，藉以預防，似無不可。

(二) 寒疫預防法

1. 辟瘟疫藥千散肘後

大麻仁 柏子仁 乾姜 細辛各一兩 炮附子半兩 搗篩，以井華水，舉家各服方寸七，疫極則日三服。

2. 老君神明白散肘後

白朮一兩 附子三兩 烏頭四兩 桔梗二兩 細辛一兩 搗篩，正旦服一錢，一家合藥，則一里無病，隨身帶行，所遇病氣皆消。

3. 赤散方肘後

牡丹五分 炙皂莢五分 細辛 乾姜 附子各三分 肉桂二分 眞珠四分 躑躅四分 搗篩爲末，晨夜行及視病皆宜，以少許納鼻粉身佳。

4. 辟天行疫癘方肘後

雄黃 丹砂 巴豆 礬石 附子 乾姜 等分搗蜜丸，平旦向日吞一丸，如胡麻大

，九日止，令無病。

5. 常用辟溫散肘後

眞珠 肉桂各一分 貝母三分 雞子白三分熬
令黃黑 搗篩，歲旦服方寸七，若歲中多病，可月月朔望服之。

6. 度瘴散辟山瘴惡氣，若有黑霧鬱勃，及西南溫風皆爲疫癘之候方肘後

麻黃 蜀椒各五分 烏頭三分 細辛 白朮 防風 桂心 桔梗 乾姜各一分
搗篩平旦酒服一盞七。

7. 千敷散主辟溫疫疾惡令不相染著氣方外台

炮附子一枚 細辛一分 乾姜一分 麻子一分 柏實一分 五味搗篩爲散，正旦舉家以井華水，各服方寸七，歲多病，三日一服之。

〔愚按〕晉唐時代，頗多寒疫，故肘後外台諸書所載辟疫方藥，類多偏於辛熱，若遇邪火內燔之疫，如今之腦膜炎，猩紅熱白喉等症，則非所宜。

(三) 天然痘預防法

我國自宋元以來，向用吹痘，自眞那氏發明種痘法後，較之吹痘，似爲簡便，然改種牛痘以後，間有復染天花者，免痘稀痘諸法，似不可廢。(吹痘種痘從略)

1. 免痘法達生編 A. 淨銀花一觔，生晒研末，淨白蜜丸，如龍眼大，日日與兒服之，可不出痘

B. 蓖麻仁三十六粒，辰砂一錢研爛，再入當門子五釐研勻，於端午日午時，

塗小兒白會穴，暨心背，兩腋，曲池，委中手足心，十三處甚驗。

2. 稀痘方 福幼編 生菘豆 生黃豆 生黑大豆 或生白扁豆亦可 金銀花 生草水煎服若加纏豆藤 （每年九月十

間馬料豆梗上纏繞紅絲者是）更佳

〔愚按〕稀痘方甚多，惟此方藥極簡易，性最和平，當天花盛行之時，雖經種痘者，服之有利無弊。

（四）麻疹預防法

1. 紫草根 廣木香 白朮 三味爲末，用水煎服，可免麻疹。

2. 用阿魏佩帶胸襟，可免傳染。

3. 佩太乙辟瘟丹，以絳帛囊之，懸掛於身，亦佳。

4. 稀麻疹方 福幼編 用絲瓜一個，（經霜雪者尤佳）風乾，歲除日，新瓦上煨存性，攤地上，去火毒，研末，以百沸湯沖服，每歲如此，服至三四次，永不患麻疹矣。

〔附記故事一則〕家嚴商智，童年入泮後，求學於遂邑蘇師，時有同學任某，刁詐成性，某日蘇師外出，有與蘇師同其嗜好之嚴性友人來訪，以蘇師不在，遂逕臥蘇師榻上以待，任某素惡其人，思有以創之，時任某適患瘡疥，竟異想天開，俟其熟睡，暗將醫

部瘡痂剝下研末，用細竹管吹入嚴某鼻腔而遁，嚴某驚醒之餘，但覺鼻中不舒，初不知其瘡痂吹鼻也，詎至翌日晚間，忽然寒熱大作，次日瘡點密佈，膚無隙地，如出痘狀，逾一星期，痂落而愈，嗣後身健如常，終身無瘡疥之患，此家嚴暇時述其青年讀書之故事也，愚按此事雖出偶然戲弄，而在醫學上，不無研究價值，蓋鼻腔通腦，腦受瘡痂之刺激，而傳播於全身，則瘡毒隨之發現，此引毒外出之法，與吹痘無異，不過含有危險性耳，夫瘡疥亦為慢性傳染病之一，如將此法改良，仿種牛痘之法，取瘡內膿漿，移種平人臂部，如種痘然，豈非預防瘡疥之良法乎，推而廣之，丹癩麻疹……等傳染病，亦無不可觸類旁通，但雖有前例，不敢冒險輕試耳。

(五) 白喉預防法

連翹 丹皮 杏仁 桑葉 四味同煎服

(六) 喉痧——猩紅熱——預防法

1. 青龍白虎湯急救喉痧要法

橄欖 生蘆菔 水煎服

2. 又方家庭常識清鹹西瓜皮，與青果肉切細，置飯鑊上燉食，甚佳。

3. 又方家庭常識以枇杷葉淨去毛，煎湯飲之，可免喉痧。

(七) 霍亂預防法

1. 紅茶葉 綠茶葉 陳皮 香櫞 右四物任取一種，清晨滾水泡飲。
2. 土木香 南木香 右二味研末，熱茶調服，可免霍亂。

(八)痢疾預防法

1. 夏至前，量人體質，服清寧丸數錢，肅清腸中濁氣。經驗方
2. 每逢夏至以後，多食蕎麥，可刮除腸中積垢，免患痢疾。經驗方

(九)鼠疫預防法

1. 生蘆菔不拘多少，切碎，以食鹽拌浸兩小時，再用真生麻油拌和，每日早晚食之。家庭常識
2. 金銀花_{三錢} 野菊花_{四錢} 生甘草_{二錢} 薄荷_{一錢} 生白芍_{二錢} 生熟蘿蔔子_{各錢半} 如在鼠疫傳染地方，或覺略有不適，即用清水煎服。家庭常識

〔愚按〕本法兼用避鼠法，(附後)方為根本預防之法。

(十)中暑預防法

用烏梅二枚，捶碎放一碗內，加白糖一匙，開水沖服效。

(十一)大頭瘟預防法

以延胡索_{錢半} 皂角 川芎各_{一錢} 藜蘆_{五分} 躑躅花_{二分半} 共為末，用紙撚蘸藥，推入鼻中取嚏，即不傳染。驗方新編

(十二)疫蟻預防法

民國廿三年二三月間，淳安縣監獄暑囚犯，患鼻衄者甚多，初則頭部劇痛，繼則鼻衄如泉，涓滴不絕，狀極危險，予以爲此乃鬱熱薰蒸，互相傳染，然犀羚價昂，官方無力購買，雖用清瘟敗毒散加減治療，其劇烈者，苦不能制，當告官方多採鮮茅根大鍋煎湯代茶，疫衄遂止。

(十二) 醫師簡便防疫法(親友探視病人，亦可通用。)

時疫盛行時，醫師入病家，須先飽食，或飲雄黃酒一杯，或食蒜一二瓣，或服燒酒與皮蛋少許，無論何疫，均不傳染。

〔愚按〕飽食係促進新陳代謝之機能，飲酒係興奮神經之作用，雄黃與蒜，亦爲辟穢殺菌之品，洵爲簡便防疫之一法，倘能參用接觸消毒等法，更爲完善。

(十四) 看護防疫法

斷瘟疫轉相染著至滅門延及外無收視者方外台

赤小荳 鬼箭羽 鬼臼 雄黃 丹砂各三兩 搗末蜜丸，如小豆大，服一丸，可與病人同牀。

(十五) 旅行防疫辟瘴法

1. 醫門普度云，三人冒霧早行，空腹者死，飲酒者病，飽食者不病。
2. 驗方新編云，凡雲貴兩廣等處，忽有一股香味撲鼻，卽是瘴氣，旅行其地，飲食不可過飽

，每日須飲酒數杯，不飲酒者，亦勉強飲之，可辟瘴氣，有三人早行山霧中，一死，一疾，一安然無恙，後乃知死者乃過於飽食，病者係空腹，無恙者，乃飲酒也。

3. 預辟瘴癘方齋齋

桃仁一斤 吳茱萸 青鹽各四兩 同炒熟，以新瓶密封，七日取出，揀去萸鹽，將桃仁去皮尖收藏，每晨嚼三十粒，任行烟瘴之鄉，不受害矣。

〔愚按〕前述二例，飲酒可辟瘴癘，飽食可免疫氣，而空腹者皆死，可見旅行在外，當進適量之酒食，倘能隨帶辟瘴（肘後度瘴散，過於辛熱，故列入寒疫門中，）防疫藥品，以備萬一，更佳。

（下）時疫消毒法

中醫防疫，本無所謂消毒，而施用方法，有暗與消毒法相合者，試列舉之。

（一）接觸消毒法

1. 衣服消毒法

六味薰衣香方肘後

藥物 沉香 一片 麝香 一兩 蘇合香 一兩蜜塗微火炙少令變色 白膠香 一兩 丁香 一兩 藿香 一兩

用法 右藥搗訖，蜜和爲炷，燒之，以烟薰衣。

〔按〕病人污染衣服之消毒，西醫有用燃燒消毒，或煮沸消毒法者，惟物質一經燃燒

，盡歸烏有，亦非善法，此方芳香辟穢，用意雖佳，但以貴重藥品，供作薰料，殊不經濟，亦非鄉村社會所能實施，錄此聊備一法。

2. 鼻腔消毒法

A. 小金牙散千金翼

藥物 金牙五分 燒一分 萎蕤 細辛 乾姜 桂心 天雄 莽草 葶藶各三分 犀角屑三分 烏頭

麝香 虎杖 黃芩 雄黃 朱砂 蜀椒半兩 蜈蚣一枚 黃連一兩 牛黃一分

用法 右爲散訖，內牛黃麝香，更搗三千杵，絳囊盛帶之，辟不祥，弔喪問病，皆塞鼻良。

B. 又方 以諸葛行軍散，或臥龍丹搗鼻亦可。

3. 皮膚消毒法

A. 辟瘟病粉身散方外台

藥物 川芎 蒼朮 白芷 藁本 零陵香各等分

用法 右藥搗篩爲散，和米粉粉身。

B. 雄黃散辟瘟氣方外台

藥物 雄黃五兩 硃砂二兩 菖蒲二兩 鬼臼二兩

用法 右四味搗篩末，塗五心，額上，鼻，人中，及耳門。

4. 口腔消毒法

福建香茶餅長岳全書

藥物 沉香 白檀各一兩 兒茶二兩 粉草五錢 麝香五分 冰片三分

用法 右爲極細末，糯米湯爲丸，黍米大，不時噙口中，邪不能入。

〔愚按〕時疫傳染，西醫除免疫法外，首重隔離，當茲農村經濟，瀕於破產之時，事實上，頗感困難，然醫師之診斷，親友之探視，家人之看護，自不免與病人相接觸，倘非嚴密消毒，不無傳染之虞，凡皮膚口鼻等處，皆爲時疫傳染之門戶，應用上法分別消毒，雖與病人或其用具接觸，亦可免細菌之侵入，較西醫之防疫口罩等法，簡便多矣。

(二) 空氣消毒法

1. 辟瘟虎頭殺鬼丸方千金

藥物 虎頭骨炙五兩 硃砂一兩五錢 鬼臼一兩 雄黃二兩五錢 皂莢一兩 雌黃一兩五錢 蕪荑一兩

用法 右藥搗篩，以臘蜜和，如彈丸大，絳囊盛，繫臂，男左女右，家中置屋四角，月朔望夜半，中庭燒一丸。

2. 太乙流金散方辟瘟氣千金

藥物 雄黃三兩 雌黃六兩 凡石 鬼箭羽各一兩五錢 羚羊角二兩 搗篩

用法 大疫之年，以月旦，青布裹一刀圭，中庭燒之，瘟病人亦燒薰之，或以絳袋盛

一兩，帶心前，并掛門戶上。

3. 延年祕錄辟瘟方

藥物 正旦取東行桑根，大如指，長七寸，以丹塗之。

用法 懸著門戶上，又令人帶之。

4. 殺鬼丸去惡毒方外台

藥物 雄黃 朱砂 鬼臼 鬼督郵 雌黃 馬兜鈴 皂莢 虎骨 阿魏 甲香 菖蒲

桃白皮 石硫黃各五兩 羚羊角屑一枚 臘蜜八斤 羖羊角一枚 白膠香一兩 搗篩，臘

蜜和之，丸如杏子。

用法 疫家可燒之，并帶行。

5. 辟瘟丹景岳全書

藥物 蒼朮以黃連代之更妙 乳香 降真香 甘松 北細辛 芸香各等分 水丸如豆大

用法 每次焚一丸薰之，能辟一切穢惡邪氣。

6. 又方臨證指南

藥物 乳香 蒼朮 細辛 川芎 甘草 檀香等分 研細末棗肉爲丸

用法 此藥燒之，能令瘟疫不染，空房內燒之，可辟穢惡。

7. 神聖辟瘟丹臨證指南

藥物 蒼朮倍用 羌活 獨活 白芷 香附 大黃 甘松 山柰 赤箭 雄黃等分爲末麵糊丸，如彈子大，黃丹爲衣。

用法 曬乾焚之。

8. 辟瘟線香

藥物 蒼朮 桃枝各十斤 白芷 山柰各八斤 檀香 降香 甘松 桂皮 大茴香 香附各四斤 烏頭 貫衆各二斤 白蒺藜 一斤 雄黃 雌黃各八兩 共曬乾研末，拌勻以細竹絲爲骨，做成線香。

用法 隨時焚點。

〔愚按〕細菌爲傳染時疫之導火線，但無自由飛揚之力，常附着空氣中之塵埃，以共浮沉，故含有病原菌之痰唾等排泄物，其乾燥者，遇掃帚撥揚，即飛散空中，傳播人體，惟細菌生活，大抵好溼而惡燥，若空氣過於乾燥，則細菌體中水分，蒸發，無餘，不能發育，易於死亡，其中尤以病原菌爲最甚，縱結核菌，脾脫疽芽胞，能經久不死，而最低限度，亦能制止其發育，以上各方，辟穢，除溼，消毒，殺菌，或用薰烟，或用懸掛，於乾燥空氣之中，兼能和空氣中之毒素，似較西醫單純性之乾燥消毒法，尤爲完善。

(三) 飲水料消毒法

1. 五更時，投黑豆一大握於井中，勿使人見，凡飲水家，俱無傳染，若食河水之處，各家於每日清晨，投黑豆於水缸內一撮，便令全家無恙。驗方新編

2. 時疫盛行時，井中或水缸內，投入白凡，貫衆，雄黃，菖蒲之類，亦可免疫。潛齋

〔愚按〕水液爲人身之主要成分，能搬運體內之無用成分，促其死滅，有亢進新陳代謝之作用，且能化爲汗液小便，由皮膚尿道排泄，使體溫不致過於昇騰，有調節體溫之功，又能使消化器製造消化液，有補助消化之能，其功偉矣，然偏僻鄉鎮，均無自來水管之裝置，大多取之井，塘或溪河，而其洗滌污穢，亦在於斯，已屬不合衛生，倘在時疫流行之際，鄉民無知，以病人之衣被，食物，器具等，附有細菌之物，洗滌其間，而又以此洗滌，污水作爲飲料，其傳染之禍，尤爲迅速，若能厲行禁止，并以黑豆貫衆之解毒殺菌，菖蒲，雄黃之辟穢除邪，白凡之澄清污濁，再加以長時間之煮沸消毒，則雖能耐高熱之細菌，亦能奪其生命，無所施其技矣。

(四) 土壤消毒法

我國習俗，每逢端午，以等分之石炭，皂凡等物拌勻，遍撒陰溝糞坑等潮溼之地，實則時疫發生之時，隨時隨地，皆可施用，不必拘於節令。

土壤爲植物等之發源地，穀蔬瓜果……等物，無不由此，然公共衛生不發達之鄉村，溝渠停蓄，垃圾遍地，猪牛糞便，隨處堆積，臟垢納污，亦爲細菌蕃殖之地，土壤消

毒，撲滅細菌之來源，洵是佳法。

(五)食餌消毒法

食餌爲生活上三大要素之一，營養全身之體質，補充消耗之成分，發生體溫，構成體力，爲日常所不可缺少者也，上古之時，人民野處，茹毛飲血，不知衛生爲何事，自燧人氏鑽木取火，教民烹飪，火食於是開始，降及近代，除少數未開化之苗夷外，悉取熟食制度，與西醫煮沸消毒法，大略相同，實爲中國最合理之食餌消毒法，蓋任攝氏百度以上之高熱，經十分鐘之久，無論何菌，皆可致其死命故也，徵之往昔，孔子不云乎，食饘而餲，魚餒而肉敗，不食，色惡，不食，臭惡，不食，失飪，不食，不時，不食，沽酒，市肉，不食，飲食衛生，早已實行，奈後人玩視古訓，不加注意，反使後來者居上，豈不惜哉。

他如田禾發育時之撒布石灰，蔬菜虫蝕時之撒布鈎吻，均含殺菌作用，亦穀蔬之消毒法也。

(六)下等動物消除法

1. 避除蛇蠍法

雄黃 胆凡 等分研末，洒於室隅。

2. 避鼠法

椿樹葉，冬青葉 絲瓜藤及葉 右三物合用，四季薰燒堂陰。

3. 殺蚊蠅臭蟲法

除蟲菊 鱉甲 鱗魚骨 鱧魚乾 黃荊子 艾葉研末燒烟熏之。

4. 毒犬法

發現狂犬咬人之時，急以多量木鱉子（核扁如鱉，綠色，揀去油者）納入饅頭內飼犬，食之即中毒而死。

〔愚按〕下等動物之傳染，以瘧疾之蚊，鼠疫之蚤，恐水病之狂犬爲最著，然該項動物之傳播，率由衣服，床，褥，牆壁，土壤，溝渠……等之不整潔而起，是以個人能保持清潔，家庭中廚房，廁所，勤於洒掃，壁隙地罅，時加修葺完固……使該項動物，滅絕發育之機緣，方爲正本清源之法，况國醫對於昆蟲傳染，向不明瞭，即西醫方面，亦乏具體撲滅方法，雖未能絕盡根株，然較之不撲滅者，則受益多矣。

結論

查西醫預防時疫之傳染，不外免疫，隔離，消毒，三法，而免疫法中，則以注射防疫苗漿爲工具，例如流行性腦脊髓膜炎菌苗，霍亂免疫菌苗，白喉血清，猩紅熱血清，破傷風血清，鼠菌疫苗，丹毒血清，流行性感菌苗，百日咳菌苗，傷寒接種菌苗，多價傷寒菌苗，霍亂，傷寒混合菌苗……等，不下數十種，然全國防疫之設施，除少數省市略具規模外，其餘縣區，尙未計及，爲效終屬有限，中醫防疫方法，昔重保存正氣，而於特效藥品，雖有發明，惜試驗未廣，成效未著，果能積極研求，切實推行，終有與世界人士相見之一日。

先賢養生之道，以戒酒色，薄滋味，慎風寒，持清潔，飲食有時，起居有節爲要務，此精神上之防疫法也，無知之輩，徒以藥物爲能事，而置精神防疫於度外，則防疫之道，終有時而窮，雖然，時疫發生，如火燎原，欲求撲滅，舍藥物其誰哉。

當歸

尙父

藥物研究

自神農本經以降多以當歸爲女科主藥，垂千百年，盛稱其補血之功，有「補而不膩」諸譽；四物等補血劑視爲中堅，然扼要言之，不過營養及弛緩肌攣之兩大能力。

根據東西洋藥學報告以觀；當歸殊少補血之條件，最近大公報載當歸含 *Vitamine-A* 甚富，則維持營養之條件成立，苦力藜藿之體，顯神經性之虛熱，不屬化學性之外感發熱勞損潮熱者；當歸有退熱作用，此種虛熱，往往同見萎黃貧血，當歸無解熱作用，不過能改良營養，古人曰：「黃芪補氣，當歸補血」。易言之：黃者爲興奮官能方面的；當歸爲補給物質方面的。惟其有營養價值，補給物質方面的，故對神經性虛熱有效，若肺勞潮熱，同是虛熱，其發熱在結核菌毒素刺激延髓所致，屬化學性而非神經性的，古人知其不相適應，則曰：「當歸性溫，不宜於陰虛肺勞」。究其實，祇在說明其經驗所得，當歸用退勞熱，僅至不效而已，固無大害之足云。

肌肉攣攣緊張，則生痛感。月經期子宮肌緊張，或卵巢病延及子宮肌緊張者，當歸用之有驗；爲其能弛緩肌緊張也。西藥鎮痛，率用麻醉劑，如 *Atropin*……等；麻醉神經，解脫痛楚。然據中央藥物試驗所之報告，當歸鎮痛，超出神經範圍以外，其功能祇在弛緩肌肉而不

侵犯神經。或曰：「當歸有鎮靜大腦作用，故能止痛」。證諸古人經驗謂：「血虛不眠者，服當歸能安睡」。令其說非無據；當歸猶有鎮靜大腦之功歟？

或人曰：「當歸有芳香性揮發油；一切油類皆有1.弛緩痙攣，2.制止分泌，3.被護黏膜，止痛緩中，毋乃揮發油之功」？若然，當歸誠治病之良藥也。病人腸黏膜腐潰，炎性滲出物刺激腸粘膜則腹痛，古人云：「和血則便膿（或曰腹痛）自愈；調氣則後重自除」，當歸油潤滑腸，不如植物性下劑之不宜反覆應用；而與桔梗之含石碱素排膿異曲同功。其鎮痛力量有三：1.制止分泌，排除粘液，2.鎮靜大腦，3.弛痙鎮痛。余當易古人之言曰：「排除粘液，則便膿腹痛自愈」當歸誠治病之良藥也！

當歸更有下降血壓之作用；古人曰：「治風先治血，血行風自滅」。古人以當歸調血爲治中風之理由，正同降低血壓之論，協牛膝，治效尤著，癱瘓偏枯，神經麻痺已久者，同黃耆能興奮神經之麻痺，當歸維持已瘳之營養，降低高漲之血壓，庶分工而成合作之治。

有暴吐咯大量血液者，用一味當歸（每用一二兩）煎湯與服而愈，其理由亦可尋而得；失血人多血壓高漲，當歸能抑上部高漲之血使下，則吐血可止。反之，下部出血劇烈而用當歸，斯危矣！

然則當歸與紅花益母草同功乎？曰：當歸弛緩子宮緊張，紅花益母草收縮弛緩之子宮，其功適相反。故紅花益母能墜胎，當歸可入安胎藥而無虞。妊娠子宮出血，將見流產者，可

用當歸，當歸能弛緩子宮以止血，而產後苦於子宮之弛緩，宜用紅花益母，若子宮不收縮，成俗所謂兒枕塊痛，惡露不下者，當歸紅花同用，如膠紅飲（註二）之例，所謂相反相成，亦拮抗作用之意也。胎兒產出後，求其子宮收縮以除惡露淋瀝者，當歸與紅花益母三者，往往并行應用。

月經行時，腹痛不流暢者，宜重用當歸，經行淋瀝，淹纏不淨者，病在子宮不收縮，宜紅花益母之屬，昔人所謂以通爲止也。若肺勞貧血，或子宮結核，根本枯竭而經閉者，當歸亦無效。若產後惡露淋瀝而同紅花益母合用之當歸；用量不宜過多，毋使弛緩力大於收縮力也！

綜之：當歸有營養價值，弛緩肌痙攣，降低血壓三大功能。醫療作用，又隨配伍得當，以竭其妙。故同牛膝用能降低血壓，同黨參阿膠用補益血液，（註三）同黃芪能興奮神經，同芍藥治痢排膿，瘍科用之，不過排膿鎮痛，維持營養而已，非所以祛瘀也。

註一 膠紅飲用當歸阿膠益血弛緩子宮，紅花則收縮子宮，以成拮抗作用。惟內有冬瓜子不知何所用。

註二 據實驗報告：黨參補脾臟，增生赤血球甚着，阿膠亦益血。

中醫以爲病理變化，任何複雜，終於不能瞞過症候的表

現。所以中醫尤其重視症候。

——忍厂零語——

醫國卮言一

陳无咎

老子曰，「前識者，道之華，而愚之首也」。夫前識何以爲道之華？蓋先物而行，先理而動，謂之前識。無緣而妄意忖度，無徵而妄加剖斷，非前識也。故神明甚察者，不肯妄用其鋒。譬之火然，生而有光，而不妄用其光，果然在於用光。人生有才，取則於火，而不妄用其才，果然在於用才。是以火之用光，在乎得薪，所以保其曜也。人之用才，在於識物，所以全其天也。故曰，「大智若愚，大白若辱，大辯若讷，以有積爲不足，塊然獨與神明居」。此爲前聖「歷物之誠」，故能先物而行，先理而動，不爲欲蔽，不爲勢怛，斯爲道之華而愚之首。昔者先師扁鵲見蔡桓侯，知其病在腠理，知其病在肌膚，知其病在腸胃。知其病在骨髓。四見而病舍益深，遂却而走。蓋疾在腠理，湯熨之所及也。病在肌膚，鍼石之所及也。病在腸胃，火齊之所及也。病在骨髓，司命之所注，無奈何矣。然桓侯當疾在腠理之時，扁鵲請診，方譏醫者之好治不病以爲功。必待遷延匝月，覺體痛而後索扁鵲，宜扁鵲之逃秦也。治病如此，治國亦何獨不然。夫良醫之攻病也，爭之於腠理之淺，則理烝而毛泄。爭之於肌膚之地，則砭肌而副膚。爭之於腸胃之間，則饑血而透盲。爭之於骨髓之深，則攻之不及，達之不至。雖有藥石，不命鬥爭，縱有上醫，將爲愚首。使扁鵲不逃，則才長識闇，淪爲庸醫，道烏從華。華者，名之曜，實之榮，道之樞也。管子樞言云，「疾之疾之，萬物

之師也。爲之爲之，萬物之時也。強之強之，萬物之指也」。故曰，「毋與不可，毋告不知，毋詔不能，與不可，告不知，詔不能，謂之徒勞無功」。是以上醫治病視神，未有形而除之，是爲不治已病而治未病。次則理在色脈，既有形而除之，是爲治在毫毛。復次，則鑱血脈，副肌膚，達穴竅，是爲鍼盲起廢。綜而合之，「神氣，色脈，形能」，名爲治病三制。而治國亦有三制，何謂三制？有制人者，有制於人者，有不能制人，亦不爲人所制者。德盛義尊，民衆兵強，勤修內政，而不好加名於人，天下有大事，常好以其國後，如此者，能制人者也。德薄義畀，力微兵弱，而好以其國造難生患，恃與國，僥名利，如此者，終爲人所制也。人進亦進，人退亦退，人勞亦勞，人佚亦佚，進退勞佚，夙其無逸，與人相胥，若此者，不能制人，人亦不能制也。蓋能制與不能制，完全在於機緘萬類，而不妄用其鋒。昔越王句踐見怒蛙而式之，御者曰，何爲式？句踐曰，蛙有氣如此，何爲無式？鬥士聞之曰，蛙有氣，王猶爲式，况吾儕有勇者乎？是歲，有人自剄，而以頭獻王者。未幾，句踐懸賞以試其教，燔臺以鼓之，使人赴火，無不奔也。臨江以鼓之，使人赴水，無不泅也。臨戰而鼓之，使人絕脰剖腹，而無後顧之心者，以其一鼓作氣，重賞在兵也。傳至後王無疆，不知養力，而好佳兵，師出無名，遂至覆亡，史家譏爲「目論」，謂無疆知晉之失，而不自知越之失，猶目見毫毛，而不自見其睫也。故管書曰，「有氣則生，無氣則死，生者以其氣。名正則治，名倚則亂，治者以其名」。蓋期名所以累實，名實未虧，常相互爲用也。若詹何之聽牛

鳴，辨在白蹄白角。韓子譏其苦心傷神以爲察，結果與五尺童子同功。比視扁鵲之見桓侯，不治病病，而治始病。與孫登之告嵇康，不愆積材，而在保曜。歷物之智，相去遠矣。

介紹受贈之定期刊物

刊物名稱	刊期	期次	編者	每期零售	全年定價	發行處及其地址
藥友	月刊	第九一期卷	張輔忠	壹角	壹元	南京淮海路七十七號中華藥學會南京分會友社
同濟醫學月刊	月刊	第十二卷	費納煦	叁角	叁元	上海同濟大學醫學院
醫藥半月刊	半月刊	第五六期	何澤珊			四川大竹縣國醫支館醫藥研究會
醫藥研究	週刊	第八十三期	無錫中醫研究社			無錫城中大婁巷無錫中醫研究社
國醫正言	月刊	第三十一期	陳曾源	貳角	貳元	天津市東門內文學東箭道天津市國醫研究會國醫正言報社
中國醫藥研究月報	月刊	第二二期	湯士彥	壹角	壹元	杭州直吉祥巷五十二號中國醫藥研究月報社
杏林醫學月報	月刊	第九十三期	江堃	壹角	壹元	廣州大德路麻行街八十四號杏林醫學月報社
醫學雜誌	兩月刊	第九十二期	中醫改進研究會	貳角五分	壹元五角	山西太原市新民中正街中醫改進研究會
中華醫藥報	月刊	第十二期		壹分八厘		上海城內光啓路中華國醫學會
中西醫藥	月刊	第十二卷	中西醫藥研究社	貳角五分	貳元四角	上海愚園路七一八弄雲壽坊七號
東西醫藥報	月刊	第九十七期	蘇錦全	三角	三元	台北市新起町三丁目八八番地台灣漢醫藥研究室
餘杭縣中醫公會紀念特刊			餘杭中醫公會編輯股	貳角		餘杭縣緒山門七號中醫公會

焦館長蒞如視國醫藥界

陳愛棠

如皋通信，中央國醫館長焦易堂氏，日昨因公來如，本邑中醫藥界，於八日下午三時，假座縣商會大禮堂開歡迎大會，出席者醫藥界三百餘人，屆時焦館長偕秘書屈逸人君蒞臨，全體起立致敬，公推陳愛棠出席，嚴禹門紀錄，新聞記者田振聲，司儀童光甫，行禮如儀後，主席致歡迎詞，略謂，今天是我皋中醫藥界，開歡迎中央國醫館焦館長大會，承蒙館長應同人等之要求，惠臨指導，誠本會無上榮幸，館長過去維護中醫藥之苦心孤詣，諸同志早有所聞，毋庸愛棠細述，最近有兩種良好消息，略為報告，第一是衛生署增設中醫委員會，已經立法院通過，將來關於中醫一切事項，均由該會管理，第二是焦館長創辦首都國醫院，現已着手建築，內分醫務處，藥務處，醫務處內分內，外，婦，幼，喉，針灸，推拿，接骨等科藥務處內分藥劑，化驗等科，該院並有數大優點如下：

(一)可集優越之醫家，收合作之效果，(二)可延世習之專才，試祕傳之方術，(三)可採西醫器械手術，俾測驗備極精詳，(四)可採西法製煉藥品，俾奏效力臻敏捷，(五)務設完備病房，以合衛生，(六)務選溫良護士，以備調養，(七)可借此發明新穎治療方法，(八)可借

此訓練衛生行政人才，誠爲國內最完善之國醫院，館長提倡國醫事業，無效不至，殊屬令人欽感，今幸蒞如，同人等非常愉快，熱烈歡迎，希望館長盡量指導，使同人等得有遵循，幸甚，幸甚，繼由焦館長致訓詞，略謂，今天與各位見面，非常榮幸，承主席獎飾，愧不敢當，茲將組織國醫館之經過，報告於下，自廢除中醫中藥之消息傳出後，擁護者，相率向政府請願，旋經立中央國醫館，省設分館，縣設支館，現在海外分館亦有五處之多，但本館係研究學術機關，並無行政權限，於是管理權隸屬衛生署，發給證書乃委託地方政府辦理，再最近首都組織國醫院，規模雖宏大完善，但因經費有限，希望國醫藥界，自動起來認捐，只要每人輸其一日之所得，集腋成裘，一定十分可觀。林主席常對我說，庵觀寺廟，僧尼方外，都有力量募化修造，醫生是屬於智識份子，難道還不如僧尼方外嗎。只要大家有毅力，肯犧牲，事情是沒有辦不成功的。又競爭爲生存之基，不競爭即不能生存，而醫重科學，科學者，組織之學也，條理之學也，系統之學也，將經驗所得，究其所當然，使人人可以了然之謂也，中醫少發明，守祕密，不公開，處處祇知其然，而不明其所以然，相形見絀，即不競爭之結果，但國醫藥合乎科學之點甚多，如保胎藥之用菟絲子，桑寄生，因二藥皆能附着他種植物而生長，且菟絲子堅韌多脂，寄生得桑之精氣而生，故二藥皆能保胎，如子之附母之義也，補腎藥之用韭菜子，破故紙，因二藥均含有生發之機能，故可補腎，目疾之用夜明砂，該藥係蝙蝠之糞，蝙蝠善食蚊蚋，食下皮肉雖化，而眼獨存，故能明目，諸如此類，均含有科學之真理，希望各位多看醫報，以及科學發明之雜誌，方可增長新知識，更要對團體宜精誠團結，對學術宜努力奮鬥，庶幾方能生存，來賓有葛正平童光甫二君演說（詞長從略）後由主席答詞，略謂適承焦館長訓詞，以及葛童二君演詞，均注重團結與精進，同人等十二分誠意接受，謹代表醫藥兩界同人致謝云云，旋即攝影，散會。

王應榆發表國醫談話

黃恪勤

(廣州通訊)上月最高法院院長。兼中央國醫館長。焦易堂先生。於南來參加胡故主席國葬大典之便。乘間視察粵方國醫事業。以粵國醫分館長一職。遲未到差。長此蹉跎。殊爲惋惜。且粵方爲一國醫良好發展區域。苟得其人以主持之。前途正未可量。深謀遠慮。乃有就



地聘民政廳長王應榆先生兼任之決意。且宣佈于粵國醫藥界歡迎大會中。及各國醫校院歡迎會上。聞者雀躍。互相慶賀。咸樂於擁戴。查王原係科學界中人。而兼政治家。其言行政績。早經膾炙人口。然鮮有知其爲國醫高明者。緣王嘗積病十年。久病成醫。不啻三折其服。以身歷其境深知其中三昧者。謂之高明而爲焦館長所物色。其

來固有所自也。爲此記者特於日前乘王廳長政務之餘。投刺趨謁。承予接見。因首請發表關於國醫意見。次詢分館就任日期。蒙先後發表如次。以下王廳長語。醫學乃科學之一部。科學是無中外古今。無論何時何地。任何人都得以發展。西哲安尼士多特。以爲一切進步。皆賴科學。其實醫學與科學之關係尤切。試觀希臘文化之發達。科學之昌明。其注重醫學爲何

如。可見有好的醫學。一定有發達的科學。有發達的科學。一定注重醫學。所以醫須以科學為根據。科學中以爲醫學上之根據者。有理化學、生物學、剖解學。研究醫學。須根本明瞭此種根據。然後始可以言醫。其次須明白藥性和製藥。既知病之所以發生。作何現象。則須研究用何藥治療。製造藥品。而對於藥方面。要詳細研討。以之分析。着那一種藥含有那一種藥性。其重要成分。每一個分子中含有多少。有無旁的東西。此種藥對於病理如何。有無治療外的副作用。均宜詳究。又有許多物質。因環境地位作用的不同。雖是同一件東西。却名同實異。如南方的水帶酸性。北方的水帶鹼性。製藥時水多一點少一點。火大一些小一些。雖是同一東西。結果都變了。所以對於藥物的出產和製造。都要細心攷究。不可瀟視。纔能各擅其長。以達治驗之效。所有不合理的治療和用藥。都須改良。使納入科學軌道。以求進展。發展國醫。最須注重者。約有兩點。一「學術」須奠定醫學的根本。凡研究國醫的人。須講理化、生物、剖解、諸學。且須有澈底的明瞭。以作醫學之根據。根據穩固。國醫纔有長脚的進展。一面更須努力改良製造國藥。供醫學上永遠大宗的需要。二「道德」須提倡醫德的尊重。蠲除一切自私自利的種種不道德行爲。近世生活提高。醫者多以生活艱難。往往爲利損德。且爲謀利之得失。而忘學術之進退。此亦無怪其然。但醫生之生活費皆取之病者。則病家負擔增加。醫生既不先爲病家設想。早求治愈。復唯利之是圖。置醫德于不顧。此未免爲醫學本身進展之大礙。所以亟宜提倡醫德。使同道都能克苦爲社會服務。輕於私利。

而重於公益。謀學術的光明。以深得社會信仰。則前途進展。正未可量。本人積病十年。深知病家之苦。及一班醫者通病。在人於患病乏醫。經時如許之長。多聽天由命。然本人却根據科學。研究病理以求治療。身歷其境。反得許多經驗。因知學術不必分中西。不必拘古今，總以合理爲上。有效爲是。所以發展我國醫學。要容納中外。貫通古今。成新的醫學根據。纔有進步。若自滿自大。故步自封。關起門來。空言研究。不加以科學整頓。必致退步。中醫有很多經驗的學術。但不科科學整頓。殊爲可惜。亟宜急起直追。其效驗當有更勝者。醫生最怕學識不夠。祇曉得呆板的用藥。本來曉得用藥。原可謂用。但對於診斷病的結果如何。毒在何處。微菌的情形怎樣。吃藥打針下去成何方式。有無副作用。這些學識。若未明瞭。以作醫生。根本不得清楚。在病家則無保障。在醫學則前途暗淡。此類醫生。時下正多。還有。人之神經系。消化系。循環系。三者之間關係究竟如何。中西醫之深明此者亦少。中醫不能離科學。西醫之程度淺者亦未必合科學。科學還是天天在不斷的發明進步。要迎頭趕將上去。本人患病久。已身經歷多。證明學理無中外。希望我國的醫學。集東西文明之大成。以科學爲根據。尊重醫德。成一「中國醫學」以發揚於世界。又去月焦院長南來。欲本人兼長國醫分館。殊覺不便。在公言。以民廳地位兼之。未免欠妥。在私言。以個人名義兼之。又公務紛繁。無暇兼顧。前此已有醫界多位。商組衛生處。亦以種種不便而中止。曾與焦院長言及。發展國醫。范石生先生。乃一良助云。語畢記者遂爲之拍照而退。

介紹受贈之定期刊物

刊物名稱	刊期	期次	編者	每期零售	全年定價	發行處及其地址
健康之鐸	半月刊	第四期	徐榮齋			紹興縣繆家橋二十號健康之鐸報社
文醫半月刊	半月刊	第二卷第十七至二十三期	陳伯誠	三分	七角	北平西城大麻線胡同八號文醫半月刊社
僑務委員會公報	月刊	第三十六期	僑務委員會秘書處	五分		本京僑務委員會秘書處
國醫雜誌		第二十一期	何佩瑜			香港德輔道中一二三號二樓中華國醫學會
長沙醫藥	週刊	創刊號	劉篤才			長沙南正街一八一號轉交
嶺南大學校報		第九卷第五期	嶺南大學	貳分		廣州河南康樂私立嶺南大學
西京國醫		第四五六三期	西京國醫公會			西安夏家什字街十六號西京國醫公會
壽世醫報	月刊	第九卷第二期	陳煥雲	五分	五角	蘇州臨頓路北桐芳巷中吳縣壽世醫報社
拒毒月刊	月刊	第一〇六七兩期	拒毒月刊社	貳角	貳元	上海博物院路一二八號中華民國拒毒會
同仁醫學月刊	月刊	第九卷第十二號	入澤達吉	貳角	貳元	東京神田區神保町同仁會
中醫科學	月刊	第六卷第一期	蔣文芳		貳元	上海愛而近路祥新里十六號中醫科學研究社
留東學報	月刊	第六卷第二期	陳固廷	貳角	貳元	東京市杉並區阿佐夕谷一丁目六八八陳固廷
獸醫月刊	月刊	第二卷第三期	獸醫月刊編輯委員會	五分	五角	南京小營陸軍獸醫學校獸醫月刊社
衛生雜誌	月刊	第三十三期	張子英	壹角貳分	壹元	上海芝罘路益豐里八號衛生雜誌社
燕京大學圖書報		第九十九期		四分		北平燕京大學

廣告價目表				定價報目表			
此表係每一期價目登三期以上九折六期以上 八折全年七折插圖另議 以上各費一律大洋均須先惠郵票代價以一分 或半分爲限	正文	底頁外面	封皮裏面	地位	冊數	全年十二冊	半年六冊
	十元	十八元	二十元	面積	國內及日本	二元	一元一角
	五元	九元	十元	全面	香港及澳門	三元	一元六角
	三元	五元	六元	半面	南洋及歐美	四元	二元二角
	二元	三元	四元	全面四 分之一			
			全面八 分之一				

郵費在內不另取資郵票代價按九五折計算

國醫公報第四卷第一期

中華民國二十五年十一月出版

發行者 中央國醫館

南京門東長生祠一號
電話五二零二四

代售處 世界書局南京分局

南京太平路
電話二一九七七

印刷者 仁德印刷所

南京常府街十六號
電話二二三一〇